

四庫全書

子部

欽定四庫全書

萬姓統譜卷七十六

明 凌迪知 撰

上聲

六語

許

高陽羽音炎帝之後姜姓成王封裔孫太叔于許以國為氏又望出汝南

周許歷

趙人為趙奢軍士趙奢之救閼與也去邯鄲三十里而止令軍中曰有以軍事諫者死及卷甲

趙閼與且誘秦人至歷請以軍事諫曰秦人不在意趙師至此其來氣盛將軍必厚集其陣以待之不然必敗趙奢曰請受令許歷曰請就鈇質之誅趙奢曰胥後令既戰許歷復請諫曰先據

北山上者勝趙奢許諾即發萬人趙之大破秦軍解闕與之圍歸趙惠王以歷為國尉王粲詩

曰許歷為完士一言猶敗秦是也

許綰

魏王將起中天臺令曰敢諫者死綰乃入曰聞大王將起中天臺臣願加一力王曰何如曰臣聞天地相去萬五千里今王因而半之可高七千五百里之臺是其址須八百里盡王之地不足以為臺王必起此臺先以兵伐諸侯盡有其地尤不足又伐四夷乃足以為臺度八千里之外當定農畝之地足以奉王臺用者乃可以作魏王無辭以答乃罷

許偃

晉人

許伯

楚人

許瑕

鄭人

漢許武

字季長陽羨人太守第五倫舉孝廉武以二弟

晏普未顯欲令成名乃剖財產為三自取肥田
廣宅二弟所得悉劣鄉人皆稱弟克讓而鄙武
貪婪晏等竝得選舉武乃會宗親泣言所以分
財取識意悉推財產于二弟于是
郡中翕然稱之仕至長樂少府

許荆

字少張武之孫仕為郡吏兄子世嘗報讐殺人
怨者操兵攻之荆跪言曰世無狀咎在荆不能
訓導兄惟一子死則滅絕願殺身代之怨家曰
許掾郡中稱賢吾何敢相侵遂委去後舉孝廉
和帝時為桂陽太守
孫馭靈帝時為太子

許慎

名陵人性惇篤少博學經籍馬融常推敬之時
人語曰五經無雙許叔重叔重慎字也初慎以

五經傳說臧否不同于是撰為五經異議
又作說文解字十四篇獻帝時舉孝廉

許叔

昆明人元和中入中國
授五經歸教授本郡

許劭

字子將平輿人少峻名節好叢論鄉黨人物每
月輒更其品題故汝南俗有月旦評初為郡功
曹太守徐璆甚敬之府中聞劭為吏莫不改操
飭行司空楊彪辟舉方正敦樸徵不就劭兄虔

亦知名汝南人稱
平輿淵有二龍焉

許廣漢

封昌成君女為宣帝后弟舜封博望侯弟延
壽樂成侯延壽子嘉平恩侯嘉女為成帝后

許史丁傳之家皆重
侯累將窮貴極富

許商

從周堪受尚書著五行論歷四至九卿號其門
人林子高為德行吳章為言語王吉為政事齊

幼卿為文學王莽時林吉為九卿自表上師家
大夫博士郎吏為許氏學者各從門人會車數
百輛儒者榮之

許漫

平興人祖父峻善卜占之術多有顯驗漫少傳
峻學隴西太守馮緄始拜郡開綬笥有兩赤蛇

分南北走緄令漫筮之卦成象漫曰三歲之
後君當為邊大將軍果如占其餘多此類云

許貢

興平二年為吳郡太守時孫策方起貢表聞漢
帝云策驍雄與項籍相侶宜加養寵召還京邑

若置於外必為世患策聞而殺貢貢小子與
客亡匿江邊策單騎出貢客擊傷策病創死

三國許慈

字仁篤南陽人善鄭氏學治易尚書三禮毛詩
論語又有胡潛雖學不沾洽然卓犖強識蜀漢

昭烈鳩合典籍沙汰
衆學慈潛並為博士

許靖

幼從兄少與幼俱有人倫臧否之稱舉孝廉除尚書郎由選舉尚書周諮與共謀議董卓誅陸靖走會稽後徙交州劉璋在蜀招致為已郡太守昭烈克蜀以靖為左將軍長史累進至太傅

為司徒

許褚

譙國人身長八尺餘腰大十圍勇力過人曹操壯之拜都尉從討袁紹累拜振威將軍卒諡壯侯

晉
許孜

字季義東陽人孝友恭讓敏而好學二親歿柴毀骨立躬負土為墳時有鹿犯其墓上松栽孜悲嘆曰鹿獨不念我乎明日鹿為猛獸所殺置松下郡察孝廉不起人號其居為孝順里

許遜

字敬之南昌人生而穎悟從吳猛得神方秘法以修煉為事晉太康初為旌陽令大施濟利尋

棄官東歸遇謚母傳以道術遂斬蛇誅蛟悉除
民害慮豫章為浮州蛟螭所穴乃於牙城南井
鑄鐵為柱下施八索鈎鎖地脉自是水妖屏迹
城邑無虞又周行江湖諸郡殄滅毒害乃歸舊
隱精修至寧康二年一百三十歲舉家同時
昇天雞犬亦隨逐飛去宋封神功妙濟真君

許謚

句容人少以博學知名仕為郡主簿王
導蔡謨辟從事不赴後官至散騎常侍

許邁

句容人恬靜不慕仕進立精舍于餘杭縣關山
朔望時節還家定省父母而已及父母皆終遂
徧遊名山時南海太守鮑靚隱跡人莫之知邁
往候探其至要後入臨安西山王羲之造之輒

彌日忘歸相
與為世外交

許穆

入華陽洞得道遇王母女雲林夫人降教之得
為左卿仙侯幼子翻小字玉斧為侍宸仙翁後

雲林與穆書云玉梨金漿交梨火棗
當與山中許道士不與人間許長史

許詢

高士也劉惔云清
風明月恨無玄度

北許彥

高陽人少孤貧好讀書尤精于易魏太武召令
卜筮頻驗遂留左右參與謀議彥質厚慎密與

人言不及內事帝
以此益親重之

許惇

字良季彥五世孫清識敏速達于從政仕東魏
為司徒主簿後遷殿中尚書惇美鬚下垂至帶

省中號長髯公
為政明斷果決

許懋

字昭哲為國子博
士號為經史筭

許昭先

義興人叔父肇之坐事繫獄七年不判子姪
二十許人昭先家最貧薄專獨料訴無日在

家餉饋肇之莫非珍新資產既盡賣宅以充之
肇之諸子倦怠惟昭先無有懈怠如是七載尚
得書沈演之嘉其操行肇之事由此
得釋徵為征虜參軍以親老固辭

許明達

汝南人齊武帝永明中雍州刺史王與被誅
故舊無敢至者明達先為與參軍躬為殯殮

甚厚當時
高其節

許遵

雍丘高陽人明易善筮兼曉天文風角占相逆
刺其驗若神齊神武引為館客自言祿命不富

貴不橫死是以任性疎誕
多所犯忤神武常容惜之

許亨

字亨道陳武帝受禪為太中大夫領大著作知
梁史事初王僧辯之誅也所司收僧辯及其子
顧屍於方山同坎埋瘞至是無敢言者亨以故
吏抗表請葬之與故義徐陵張種孔與等相率

以家財

營葬

隋許智藏

高陽人少以醫術自達文帝以為員外散騎侍郎使詣揚州會秦王俊有疾上馳召之智

藏至為俊診脈曰疾已入心即當發癰不可救也俊數日果如其言而堯文帝奇其妙賚物百段

許善心

字務本新城人性聰敏博學多聞家有書萬卷無不徧覽時稱為神童仕至禮部侍郎所

撰有述父志史志百餘卷子即敬宗

唐許景先

義興人曾祖緒武德初以佐命功封真定公景先舉進士後舉茂才異等授殿中侍御史

評按不避近強後知制誥以雅厚稱張說稱其文詞旨豐美得中和之氣開元中由吏部侍郎

為刺史治號州後徙
岐州復為史部侍郎

許嗣宗

義興人仕為義興太守精於醫或勸其著書
貼後世答曰醫者意也吾意所解莫能宣矣

許叔牙

字延基句容人選于詩禮貞觀間遷晉王府
參軍拜弘文館學士獻詩纂義十篇太子寫

付司經高智周見之曰
欲明經者宜先讀此

許袞

字公儀燕人雍熙中為均州防禦判官郡將表
其能狀拜太子右贊善大夫判蘇州時江南之

地始歸朝廷宿政如赫
袞善理之就進殿中丞

許宣平

歙縣人景陽中隱於城陽山南塢絕粒不食
顏如四十許人行及奔馬時負薪賣於市嘗

獨吟曰負薪朝出賣沽酒日西歸借問歸何處
穿雲入翠微李白入山尋之不見乃題其庵以

歸是冬庵為火所焚遂不見後百餘年至咸通七年有採樵者見之南山石上

許儒

叔牙子高宗時為奉常博士初長孫無忌等議祠令及禮用鄭玄六天說後罷六天說正祀昊天乾封初詔祀感帝神州以正月祭北郊儒等議請循武德詔書遂祭昊天上帝及五天帝于

明堂

許渾

字仲晦丹陽人舉進士授太平尉遷監察御史歷郢二州刺史所賦詩號丁卯集

許稷

字君苗蒲田人少因入關遇陳舍人諷等會酒有輕稷語稷投孟憤排入終南山隱學三年出就府薦遂擢貞元中進士工歌詩嘗為江南春三首詞甚綺麗後歷南省員外郎終衡州刺史

許世緒

并州人與弟洛仁俱從起晉陽有功世緒累官蔡州刺史封貞定郡公洛仁累官冠軍大

將軍

許淹

句容人多識廣聞精於訓詁與魏洪公孫謨皆以博學名家

許崇

以晚年登第自得一第輕健愈於少年乃知一名孤進之還丹也

許孟容

字公範長安人方勁有禮學擢進士憲宗時為京兆尹時神策軍驕恣有李昱者貸富人

錢不肯歸孟容捕詰與之期使償京師豪右大震後遷吏部侍郎弟季同京兆少尹

許紹

字嗣宗安陸人為兒時與高祖同學隋大業末任夷陵通守開倉活流民數十萬王世充篡位

以三郡歸唐封燕國公後圖形凌煙

許智仁

紹長子以紹功推温州刺史蕭銑將陳晉環具大艦遡江略巴蜀紹遣智仁追戰西陵覆

其兵擒普環以勲封孝
昌縣公終涼州都督

許圜師

紹子有器幹研涉文義擢進士為相州刺史
部內有受贓者不忍按但以清白箴賜之其

人感愧卒為廉士龍朔
中拜左相卒諡曰簡

許欽寂

紹之孫字以忠武后時契丹入寇詔為隴山
軍討擊使戰敗為虜所擒脅令說安東城下

欽寂呼安東都護裴玄珪曰賊朝夕
當滅幸堅守賊怒害之贈新州刺史

許遠

新城人相許敬宗孫也祿山反或薦遠於玄宗
召拜睢陽太守適張巡將兵三千至遠與合兵

拒賊自以材不及巡請東軍事一切推決而專
治軍糧戰具被圍數月食盡士多餓死存者皆
瘡傷氣乏遠與巡議曰睢陽江淮保障也若棄
之賊乘勝鼓而南江淮必亡且率饑衆必不達

十月癸丑城陷與巡俱被執時安慶緒在洛陽尹子奇械送其所至偃師以不屈死

許法真

至孝親喪廬墓有甘露嘉禾之祥天寶中表異其廬拜文館直學士

許欽明

欽寂弟武后萬歲通天元年為涼州都督嘗輕騎按部會突厥默啜兵奄至被執賊與皆

至靈州使說之降欽明至城下呼曰我乏食有美醬乎有梁米乎并乞墨一枝時賊營四面阻水惟一路得入欽明欲選將練兵乘夜襲賊也而城守無悟其說者遂見害

五代許仲宣

字希舉青州人漢乾祐中登進士第時年十八周顯德初解褐授濟陰主簿仲宣性寬恕

個儻不檢有心計累官知河南遷給事中卒

許延祚

知常熟遂家焉後孫式登景祐進士第官至禮部尚書

宋許規

貴池人遠四世孫嘗寓宣州客邸旁舍客有病者乃建康人規為請醫終不愈其人因以囊中

金百兩付規託以後事規為之棺殮併以餘金還其家人稱為長者

許迴

祁門人南唐時士以權利興服相誇迴獨甘貧自守王師伐金陵從兄迴護北城迴被傷謂迴曰吾將死事汝回慰吾親迴以身蔽迴迴曰君親忠孝吾與均有何不可迴乃去迴後仕宋迴

終不仕老于淮上

許俞

迴從子少喪母事父以孝聞父年八十謂俞曰見汝登科吾歿無憾大中祥符五年登第授潯陽從事未幾父卒哀毀幾滅性每經父遊歷處必涕泣竟日服闋授揚州從事

許遜

字景山祁門人遠五世孫少在江南數上書言事擢校書郎遂遷侍御史李氏國除入宋以族

北遷獻其文得召試為汲尉冠氏主簿二歲縣民七百人詣京師願得以為令遷校書郎知縣事數上書太宗論北邊事時趙普為相四方奏疏不可其意者悉投二甕中甕滿輒出而焚之獨稱述為能

許載

字德興萍鄉人端拱二年登甲科先是嘗與王欽若御試因醉再試又中作詩寄親友有只把文章謁帝居使從平地躡空虛之句終都官員外郎知歙州

許洞

字淵天吳興人父仲容太子洗馬洞性疎雋幼習弓矢擊刺之伎長折節勵學咸平初進士為雄武軍推官後免官歸尋召試中書改烏江縣簿有集一百卷

許申

字維之潮陽人咸平中陳堯佐通判潮州申以布衣見與語奇之及觀所為文益加器重祥符

初舉賢良天子東封獻賦頌者數百人名試三人申在列學士院第其文擢申第一授將仕郎秘書省校書郎蓋特恩也出知相州鄴縣遷知韶州更吉建二州歷廣西提點刑獄改江西湖南路轉運使終刑部郎中嘗因災異言事極詆時弊凜然有直臣風申為人姿宇軒特識見通敏讀書一經目終身不忘為文淵洽溫潤切靡端正根于所養云申之子因仕至太子中舍孫三人聞誨衛尉寺丞聞義國子監博士聞一登皇祐進士曾孫珏娶太宗曾孫女德安縣主授左班殿直許并登元豐進士五世孫居仁居安同登元符進士珏子仲禮仕至武節郎八世孫騫登紹熙進士騫弟宣亦登進士自申而下仕總文武四十有一人焉

許驤

字允昇荊州人風骨秀異十三能文善詞賦初詣貢部與呂蒙正齊名擢進士歷官御史中丞

用法寬恕時稱仁厚
長者子宗壽殿中丞

許元

字子春規曾孫宣城人初以父蔭入官累遷國子博士范仲淹以元長於理財薦擢江淮發運

判官尋為發運使發千艘浮江而上
京師足食遷戶部郎中天章閣待制

許遂

字伯通宣城人夙喪父事母以孝聞里人各勵其子輒曰汝獨不慚許伯通乎弟遜官至員外

郎子俞知大治
縣民甚德之

許幾

貴溪人少以諸生謁韓琦于魏琦勉入太學擢第知南陵縣還民之託僧尼為姦者數百人以

實謨問待制知鄆州梁山濤多盜幾籍為保使晨出夕歸否則以告輒窮治無脫者幾有吏幹

善理財嘗四入
戶部官至尚書

許抗

南城人皇祐間進士嘗知郴州鑿湖千餘頃民賴其利官至福建轉運使

許將

字冲元閩縣人嘉祐中登進士第一授僉書昭慶軍判官代還當試館職辭曰願以守選餘日

讀所未見書後為右正言直舍人院判流內銓皆神宗特命仕至門下侍郎卒謚文定子份龍

圖閣
學士

許彥先

始興人累官殿中丞遷廣轉運使許致紹聖中進士許彥博治平中進士許孜政和中進

士許安世紹聖中進士皆其族也

許懋

字敏修仙游人慶厯間登進士第元豐中為兩浙轉運副使衛民坐私釀久繫不決懋至為明

其寃悉出之民感恩競詣佛寺飯僧祝壽時甘露降于州人謂德政所感作甘露頌遷左司郎

中除直秘書

閣知福州

許稹

兄程與從子章同登慶曆二年進士終尋州司戶叅軍稹第景祐五年進士歷都官郎中通判

德州仁宗朝舉天下廉吏凡四十九人稹其一也除監察御史未造朝而卒該致仕恩國初凡

該致仕者差官未到不敢敘子巽曰人子不能自致功名希致仕恩以累亡者可乎鄉人賢之

稹三子巽貴異孫堯夫堯臣皆相繼登第從子章字潛道第慶曆二年進士歷官知建州除屯

田郎中為政能治繁劇而不問苛細所至有聲由筮仕至即位薦之者凡五十二人官終朝奉

郎

許遵

字仲塗泗州人第進士又中明法擢大理評斷官知長興縣及宿州登州後判大理寺熙寧間

出知壽州又知潤州提舉崇福宮致仕遷至中散大夫

許均

開封人以應募征遼州有功補武騎十將累官永興軍團練使有勇略所至輒立戰功幼子懷

德累官殿前都指揮使卒贈侍中諡榮毅

許懷德

字師古均子善騎射為東西班殿侍以戰功累遷殿前都指揮使年八十猶生子筋力過

人卒贈侍中諡榮毅

許安仁

字仲山少從蘇軾學詩有聲稱晚以累舉授官政和間為順昌尉甚得士民之譽

許景衡

字小尹瑞安人兄景亮嘗上治說二十篇不報遂歸隱景衡從學于程伊川元祐中進士

高宗時為尚書左丞金人南侵景衡請幸建康黃潛善等惡其異已譖罷之卒于京口諡忠簡

景衡志慮忠純遇事敢言既沒高宗思之

許份

字子大崇寧中擢甲科知鄧州政尚寬厚郡有百花洲建堂其上與民同樂值歲饑公置場給食全活飢民二萬九百有奇去之日百姓遮道拜泣方之召父杜母上聞之曰許將之子賢能

世其家

許忻

拱州人宣和三年進士高宗時為吏部員外郎是時金使張通古在館忻上疏極論和議不便疏入不省後忻乞外補授荆湖南路轉運判官謫知撫州起至邵陽卒

許叔微

真州人篤志經史尤邃於醫建炎初大疫叔微親行里巷為之診療所活甚衆夢神人曰上帝以汝陰功錫汝以官因留語云藥市收功陳樓間阻當上呼盧喝六作五後第六人登第

陞第五人在陳
祖言樓材之間

許翰

字松老襄邑人元祐三年進士累官翰林學士
同知樞密院高宗時拜尚書右丞終資政殿大

學士翰通經術正直不撓歷仕三朝致位政府
論議剴切然橫遭口語志卒不展所著有論語

解春

秋傳

許尹

字覺民樂平人政和初登進士歷知興化永處
柳邛五軍州皆有善政高宗時攝蜀帥甚得人

心遷司農卿總領川賦以便宜積財穀孝宗即
位上疏乞延儒臣講求治道尋以敷文閣待制

致仕有文集
數十卷

許直可

東陽人紹興間進士有才行為建康教授子
中應繼登進士為光州定城令孫履闕正孫

彥知嘉定進士為澧州石門令三世登科鄉邦榮之

許及之

字深甫永嘉人隆興初進士為右拾遺使金不屈遷太常少卿朱熹嘗為林栗所誣及之

為上疏伸之後知樞

密院兼叅知政事

許潭

字彥恭性孝有卓行大觀間舉八行衆曰無踰潭矣子中登進士官會修所進校勘御前史籍

兼東宮翊善出知處桂二州時有警旨令中與岳飛并力勦之以功進直寶文閣歷數州懋有

績政

許元宗

政和間進士授博士同編修九域志轉太常遷司封員外郎克使金使夾攻之捷金雖歸

我幽燕實謀薦食使還以聞官終寶文閣

許搏

字公執莆田人宣和申在太學時秦檜弟棣犯學規王晞亮充直學申堂司檜克有官學錄折

簡為棟援搏曰事到堂上豈容私檜悒悒而去其從搏歷館職除監察御史出知撫州嚴州會

檜當國改祠遁

跡特然自立

許文蔚

字衡甫休寧人幼貧苦學嘗從朱熹呂祖謙游紹興庚戌以上舍擢第教授通州又為海

陵丞時有旨審察文蔚恥於干進杜門不出者六年朝廷嘉其恬退累遷著作郎卒于家

許巽

字少楊仙遊人乾道中舉進士知歸善縣尉有捕民為盜者賂郡守必欲成賞巽驗非實格不

行守不能強歷秘書郎知滁州屬吏畏服不敢受賕除提點成都路刑獄固辭乞除知漳州未

上召赴行在卒巽居官所至以廉潔稱人號耐貧先生

許叔度

字端大寧德人淳熙七年鄉舉嘗著江東十論推原三國六朝離合之由臞軒王邁為之

註亦工詩叔度兄

第五人俱有才名

許升

字順之同安人朱文公為同安簿從游最早恬澹寡欲切問近思文公語錄載其問答之語為

多文公去任復從游于建陽其學益進及卒文公深惜之為文以祭今配饗於文公之祠

許浹

知萬安縣興學除弊愷悌之化比屋相尚郭帥元為撰許公十政詩刻石

許彪孫

理宗時瀘州制置司叅謀知州劉整欲叛降元召彪孫草降文彪孫不從合門飲藥死

許知新

淳熙間令象山沿尚寬和為民興利開千丈馬岡瑞龍三河以灌下涇之田利甚溥焉

許錫

淳熙登第令建昌守興國以真德秀薦除夔路運判所在多可紀在夔熙貪墨奏罷鼓鑄民忻

然若更生入為刑部郎中投劄論政弊言
激切忤時竟得請老歸所著有家帚集

許克昌

字上達華亭人紹興末舉進士第一累官右
正言時松江新涇堰閘為海水延入蘇湖境

上為民患克昌請于朝移堰入運港以避
潮勢由是三郡之田得免鹹潮浸灌之患

許奕

簡州人慶元五年擢進士第一授東川節度判
官韓侂胄議開邊奕貽書曰今日之勢如氣僅

屬不足以當寒暑之冠以給事中使金人禮
廷甚恭後以寶謨閣直學士知潼川府奕在朝
論諫甚多帝嘗稱其骨鯁天性孝友通儒
隸書所著有毛詩說論語尚書周禮講義

許沆

瀘川人累官至太府少卿性孝善
文詞有章奏賦詠雜著三十卷

許儉

字幼度閩清人朱文公門人儉不蓄私財不置
私器三世不分異庭無間言鄭性之大書孝友

二字以扁其堂

許堪

金華人端平中知泰州大増治城濠又創堡城於城北淳祐中敵哨至以濠深不敢覘城堪之

功也

許巨川

字東甫溫陵人嘉定進士其學得伊洛紫陽之傳初董教廣祥篤志訓誨學者有所矜式

人多感之終東莞令

許子良

字肖說東陽人嘉熙間舉進士年已五十餘矣調餘姚簿未上用宰相喬行簡薦歷太學

博士請外出知饒州改知台州

許應寅

字春伯平江人與弟應廷俱有時名俱登紹定二年進士春伯尤以操行著張萬全守岳

擬以學行
宜列鄉賢

許之選

字叔仁臨川人開禧元年進士授南雄州教
官時峒寇偪城守倖欲弃城去之選毅然率

同僚閱丁壯繕守備城外避寇者至即納之寇
遂引去後魏了翁薦諸朝授泰和令邑有巨奸
戕民撓政捕真獄盡得其奸狀抵罪豪民
懾焉再知懷安縣有惠政陞九江通判卒

許騫

中之八世孫登紹熙二年進士乙科為惠州府
推官調南恩僉幕居官有守遇事不詭隨丁父

憂歸卒于家年三
十九官終從仕郎

許知言

閩清人兄達言弟知白知什知億俱業詩書
母病知言兄弟昕夕不離側越三月藥弗効

知言乃齋戒籲天封股烹調以進母病遂愈年
七十始卒知言兄弟哀毀踰禮俱然香於臂翼

以資其冥福進士許叔度為立傳刻于藥師院後知億子禹錫請改其里為孝順從之

許月卿

婺源人父大寧有學行嘗教月卿曰段秀實

如此惟爾英烈追配古人此高宗皇帝追贊李若水詞也小子識之後月卿登第攻擊權貴無少顧忌數上書斥丁賈奸邪出佐江西漕宋亡三年不言雖言亦如病狂卒年七十謝豐山嘗書其門曰要知今日謝枋得便是當年許月卿

許孔明

字元熙祁門人嘉熙間太學生理宗幸太乙宮伏闕上書諫游幸并言賢否混淆丞相丁

大全變理失道上嘉納之仕終宣教郎

許炳

字仲明平江人通春秋登嘉定進士授寧鄉縣尉時人稱其廉未終任卒無以為斂

金許安仁

獻州交河人幼孤能刻苦讀書善屬文登大定中進士調河間主簿以廉平見稱累遷翰

林修撰後為澤州刺史嘗作無隱論十篇上之

許古

安仁子明昌中詞賦進士貞祐初自左拾遺拜監察御史時宣宗遷汴信任高琪無恢復之謀

古上疏甚切遷侍御史哀宗即位遷左司諫未幾致仕

元

許義夫

碭山人為夏邑縣尹每親詣鄉社教民稼穡見民勤者賞之惰者罰之境內豐足後為豐

丘尹值羣盜劫掠州縣義夫單騎出郊力言豐丘邑小民已驚竄幸無入吾境民獲免于難

許楫

忻州人幼從元好問學年十五中詞賦選又舉賢良方正孝廉累官陝西道勸農使江西按察

使歷徽州東平兩路總管所至皆有循良之政

許熙載

湯陰人博古通今事母以孝聞仕為會福院照磨能以儒飾吏嘗病古人遺教雜見于禮

書漫無統紀及輯為女教書後開義學以教鄉人所著有東岡小葉

許有士

熙載仲子幼穎悟一目讀書五行延祐中進士累官集賢大學士改樞密副使拜中書左

丞歷事七朝垂五十年遇國家大事無不盡言且善筆札工詞章所著有至正集卒諡文忠兄有恒歷官大理路知事弟有儀經筵檢討有孚湖廣儒學副提舉

許廣大

字具瞻天台人登進士第授慶元路昌國州判官再授武義縣尹俱以廉能聞調知鄞縣

平差役嚴程限有訴訟必親辨析吏莫能售其姦十三年夏旱躬禱天井龍潭泣拜良久龍於中流出一爪擎巖石上光耀閃爍衆皆褫鬼下山未半雷雨大至廣大冒雨露跣匍匐入城明

日四郊霑足
民歌頌之

許衡

河內人號魯齋幼嗜學穎悟不凡及長經傳子史禮樂名物星歷兵刑食貨水利之類無所不通仕為集賢大學士兼國子祭酒累遷中書左丞追封魏國公諡文正以道學鳴有文集傳世

從祀孔子廟庭子師可廣平路總管師敬西臺中丞

許則祖

樂平人性剛健至正間亂兵四起則祖倡義兵恢復德興縣後屢戰勝一日追賊馬陷淳泥中遂遇害

事聞謚忠顯

許謙

字益之金華人父觥淳祐進士未顯而沒謙自幼力學於書無所不讀聞金履祥道學往從之以求聖賢之心晚年四方來從者數百人然素志沖澹恬不近名世號白雲先生所著有詩集

傳四書

叢說

許維禎

遂州人至元中為淮安判官屬縣鹽城有二虎為害維禎默祈神祠一虎去一虎死祠前

境內旱蝗禱而雨蝗亦息是歲冬無雪民多疾維禎祈之雪深三尺朝廷聞之褒獎其事

明

許顯

高邑人幼穎悟為人剛直洪武初以李思齊薦召問時務應對稱旨拜監察御史病卒二妾陳

氏牛氏皆經死事聞旌為雙節

許存仁

諫子國初召至京師與語大悅入傅皇太子晉國子祭酒備顧問最見禮遇出入兩宮垂

十年自稽古禮文之事至于人材進退時政弛張無不預議

許廓

字文超襄城人魁偉倜儻博涉經史善草書洪武己卯舉人歷任工科給事中勵志勤慎累遷

工部侍郎出撫鄉邦流民人賴以安官至兵部尚書

明

許瑗

字栗夫樂平人兄琮博學善詩元至正中兩舉于鄉皆第一會試不第放浪吳越間本朝初求

賢瑗與宋濂同赴召奏對稱旨授博士留帷幄中叅預謀議尋命知太平府瑗至勵士卒修城池撫黎庶陳友諒攻太平府拒守彌月城陷被執不屈死之追封高陽郡侯

許思溫

字叔維吳縣人洪武中以貢入太學選署刑部郎即除御史陞按察副使改署大興縣永樂

初陞刑部侍郎轉吏部署尚書事洪熙初贈尚書官其子俊為太僕寺丞

許溥化

字次誠婺源人元季率義兵保鄉閭遂奉省檄命領屯兵國初歸附授院判汪同下管軍

鎮撫董築星源翼城從攻樂平至太陽埠軍潰庚子歲隣寇作族人被害兄商野亦遭寇執溥

化以財力援脫兄厄會駢馬王克恭來鎮仍命
總戎隨征昌化宣城開設德興縣治越五年辭
歸事兄如嚴父王克恭扁其堂曰庸敬

許伯旅

字廷慎泉溪人洪武初由選貢官刑科給事
中以詩名時稱為許少杜所著有介石稿林
公輔嘗見其感興諸詩問其得何法而然廷慎
曰法可言也法之意不可言也上士用法得法
之意中士守法得法之似吾詩
幾用法矣識者以為不妄云

許子模

字時範廬陵人洪武丁
丑進士歷翰林檢討

許方

洪武中知南昌府盡心民事勸課農桑尤惓惓
于學校嘗夢一儒者曰吾廬冒風雨久矣冀太
守修之莫詳所以及見徐
孺子像乃悟遂葺其亭

許繼

字士修寧海人國初為儒學訓導年僅三十有七大都安貧守道之士也方正學銘其墓曰孝

孺有篤志尚德之友曰許君喜為詩其高妙處有魏晉人格韻自號觀樂生

許庸

永樂初知會昌蒞政公勤庭無滯訟遇編徭賦其貧者驗丁役力富者驗實供需民多樂於趨事邑無異議在任八年修學舍勵生徒積年逃卒皆聞風自首及去任民皆思慕焉

許銘

南昌人永樂四年進士宣德初為浙江按察副使持憲嚴明豪貴人不敢干以私而興利除害民皆感服嘗上言備邊禦戎理兵足食事上嘉納之

許彬

字道中寧陽人永樂乙未進士累太常卿景泰中議遣大臣迎駕朔漢彬毅然請行曰主辱臣死分也不敢靳一元卒能以大義折辨奉駕以還然潰於不測者屢矣以是受知英廟進禮部侍郎

郎兼翰林學士文淵閣視事嘗薦王鉉商輅等起用及劾石亨專橫調南京禮部未幾左遷陝西參政亨敗乃復官彬器量弘達學問醇正著詩文二十卷東人稱為東魯先生卒贈禮部尚

書諡襄敏

許達

字汝登固始人正統戊辰進士授樂陵知縣平流賊有功陞山東僉事歷江西副使宸濠之變

不屈被害贈都御史禮部尚書諡忠節子瑒承蔭中武舉錦衣都指揮同知達神清氣朗風格迥異守樂陵計戰楊莊人固知其有死義之忠也備兵江西密疏當道訓練土兵使當事者蚤然其計事勢當不至此臨刑之言聽者無不凜凜常山睢陽徇國之烈豈是過哉

許璞

鳳翔人發解舉首授文學官正統六年薦陞仁和知縣公平廉慎輕徭薄斂民懷其德及卒于

欽定四庫全書

卷七十六

官貧無為殮民爭賻之仍為木主于本縣土神祠祀之

許仕達

歙縣人景泰初巡按福建時兵荒之餘仕達欲裁省郡縣冗費以紓民力乃創置簿籍官

識以印章分給縣各里凡里中供應所出多寡皆令長里者自書於籍按臨所至輒取而稽考焉自是郡縣有所畏憚科徵頗省居一年與巡撫大臣可否事交上章爭辨有旨命仕達還朝閩之耆老相率詣闕乞留之因命復巡按一年仕達按問風采凜然後陞福建布政司叅政聲望遂減

許進

字季升靈寶人成化丙戌進士授御史仕至太子少保吏部尚書忤瑾削籍尋復職致仕卒贈

太子太保諡莊毅子八人詩鄉貢士任知府誥南京戶部尚書博學能文諡莊敏贈太子太保

譚少保兼太子太傅吏部尚書文淵閣大學士
諡文簡稱名臣論太子太保兵部尚書有才畧
進器宇魁岸抱負甚偉議論洵洵出若無不可
為者法尚嚴峻凡有請託多拒不行見者敬而
憚之崔後渠評進德有曰昌言
直道推賢敢為人咸以為名言

許淳

字文原成都人成化
丁未進士歷布政

許銳

登州衛人成化中進士為監察御史孝宗初中
侍梁方陳喜韋興輩柄權亂政銳再劾罷之時
臺閣條詔阻塞言路乃力陳其奸以修省事劾
罷閣老劉吉徐溥監事李興郭鏞及按口北條
陳處置邊務六事陳言時政十二事俱得允行
改按南畿適星變上言弭災八事後出僉山西
按察事時兄鉞以國子生養於家陳情
終養代兄疏凡三上未允憂鬱成疾卒

許讚

字廷論進子弘治丙辰進士授御史改編修忤逆瑾調知縣陞僉事歷少保兼太子太傅吏部

尚書文淵閣大學士忤張桂致仕隆慶中謚文簡讚為吏部恭慎小心守法不取任喜怒進退

人平居簡易至大黜陟秉正不阿世廟嘗稱讚端慎獨為貴溪分宜所持不得盡行其志惜哉

許欽

績溪人家貧性孝年十六教授於鄉兄弟貧以己田讓之獨養父母有疾湯藥唯謹告天求以

身代母方卒貸葬廬墓側知縣郭維舉充生員父寬繼沒因病槁葬結廬守哭人不忍聞弘治

中奏聞旌表

許銘

字德新宛平人弘治己未進士歷都御史

許廷光

字本棟湯陰人弘治己未進士歷都御史

許成名

字思仁聊城人正德辛未進士第二歷禮部侍郎

許宗魯

字伯誠長安人正德丁丑進士嘉靖初任湖廣提學僉事剛明峻潔不為權勢所屈博學

能詩文所取皆知名士擢山東副使朝議宗魯宜作人復改湖廣提學教人務要以身表率而痛抑其浮誕奇險之習至于考校黜陟之際一以至公三年召為太僕少卿進僉都御史虜犯畿北復起駐昌平尋免歸

許相卿

字台仲海寧人嘉靖己丑進士歷兵科給事中侃侃直言以病告歸四十年足跡不入城

府屢薦不起蓋簡允貞諒之士也

許應元

字子春錢塘人嘉靖壬辰進士歷官布政使有陟堂集弟應亨甲辰進士歷郎中

許穀

字仲貽號石城上元人嘉靖乙未會試第一初仕計部改儀部轉天曹郎以文選遷南京尚寶

卿謫浙江運副起為江西提學僉事仍遷南尚寶卿放歸

許邦才

字殿卿歷城人嘉靖癸卯鄉試第一累會不第受官州刺史後遷德府長史有才名

許初

字元復號高陽長洲人嘉靖中應貢歷南太僕寺主簿陞湖口知縣不之任歸老于家初頗自

高伉不屑下人有文學工大書亦不輟與人書

許紳

南京人質實謹厚不喜交游以醫術仕至工部尚書掌太醫院事嘉靖西苑宮人之變聖躬甚

危紳用桃仁紅花大黃諸下血藥藥進紳自分不效必自盡賴天之靈辰時進藥未時上忽作聲起去紫血數升申時遂能言又三四劑平氣活血聖躬遂安加紳宮保後數月紳病上遣人

視之曰臣必不復起曩西苑用藥驚憂所致至今神魂不寧百藥不效臣即死主上萬壽死無

憾竟以此病卒上
憐之恤典甚厚

楚羽音江陵鬻熊封楚其後以國為氏

古楚老古賢者

周楚丘魯文公十八年春齊侯將伐魯戒師期而有疾
醫曰不及秋將死公聞之卜曰尚無及期惠伯

令龜卜楚丘占之曰齊侯不及期非疾也君亦
不聞令龜有咎二月丁丑公薨五月齊人弑懿
公

楚隆趙襄子
家臣

楚忌

印數

宋

楚昭輔

字拱辰宋城人有才幹善心計初隸太祖麾下陳橋推戴時遣入京安母後累官樞密使

性勤介人不可干以私卒贈侍中從孫隨咸皆進士及第

楚執柔

政和三年癸巳丞江陰縣善知水道嘗治橫河市墩新河代洪港使水疏而不壅節而不

濫白鹿化成等十鄉之田頻苦旱澇盡除其患農田資利計畝凡六千五百七十三頃有畸

楚匿

乾道六年知博白縣

楚建中

字正叔洛陽人舉進士知榮河縣民苦鹽稅不平建中約田多寡以為重輕累官陝西都

轉運使知慶州江寧成德軍以正議大夫致仕文彥博元祐初薦為戶部侍郎不拜

楚公輔

驍騎上將軍

楚衍

開封人少通四聲字母又於九章緝古綴衍海島諸算經尤得其妙明相法及聿斯徑善推步

陰陽星歷之數間語休咎無不中
自陳召試宣明補司天監學生

元楚鼎

世祖時始受符印十八年東征日本鼎率千餘人從左丞范文虎渡海大風忽至船壞鼎挾破

舟版漂流三晝夜至一山會文虎船因得達高麗之金州合浦海屯駐關亦漂泛來集遂領

之以歸

明

楚岳

洪武初知湖州府有惠政郡中多所修造題扁尚存

楚樟

朝城人父惟善學冠一時仕元為翰林學士樟性資明敏博通經書洪武初以明經舉任本縣

訓導教人有法士多成
材秩滿陞詹事府丞

楚智

驍將洪武中數從宋國公涼國公出塞有功歷陞都指揮使北平尋召入京從曹國公統騎卒

楚淦

河南人永樂進士

楚荆瑞

河南人成化進士

楚書

字國寶江都人嘉靖癸未進士歷右僉都御史

汝

羽音江陵殷賢人汝鳩之後又望出潁川渤海

周汝叔齊

晉大夫君子謂叔侯于是乎知禮

汝寬

諫魏舒曰願以小人
之腹為君子之心

漢
汝郁

字叔異陳國人和帝朝賈逵薦之累遷
魯相以德化人流民歸者八九千戶

汝隨

長水
校尉

汝猷

汝驪

見印
數

宋

汝顏

安岳人舉進士調鳳州幕職年未及請
致仕仁宗嘉其蚤退特授太子舍人

汝孝恭

汝孝隆

普州人登
進士第

汝為

豐縣人建炎中陳邊事假開州刺史使金兼致書劉豫豫誘以官固辭以機密歸報朝廷後亡

歸獻恢復方略又上丞相書三要秦檜欲械送金人乃變姓名入蜀所著有忠嘉集

汝日休

蘇州人登科

汝華然

榮昌人乾道進士

汝楫

字濟川吳江人景泰舉人府同知

汝泰

字其通吳江人弘治丙辰進士歷知府

汝訥

字行敏吳江人由舉人弘治中授中書舍人歷南京兵部郎中善楷書出知南安政尚簡易民

擾不稱

汝齊賢

字懋思吳江人嘉靖甲辰進士歷知府

所平原虞衡主伐木之官聞聲以為氏

周所華

宋大夫

漢所輔

安帝時刺賊畢豪等入平原界縣令劉雄將吏士乘船追之與賊合戰雄敗執雄以矛刺之時

小吏所輔前叩頭求願以身代雄豪等縱雄而刺輔貫心洞背而死東郡太守捕得豪等具以

狀上詔書追傷之賜錢

二十萬除父奉為郎中

所忠

武帝時為諫議大夫司馬相如病上使所忠往收遺書得書言封禪事

明所銘

成化間立鍾千戶所千戶

巨

出南昌見姓苑

漢巨武

東漢人為
荊州刺史

巨覽

順帝時梁商辟為
掾吏與李固齊名

南

巨尉

孝友

宋

巨師古

高宗時為統制官
討戚方三戰三勝

巨賓

殿前左
翼軍

巨光遠

長汀人嘉
定進士

金

巨楫

連
巨構 平谷人第進士累遷橫海軍節度使寬厚廉慎
所治以鎮靜稱世宗嘗曰巨構外淳質而內明

悟鮮有
及之者

明

巨淵

蒲城人洪武中
任四川僉事

巨禮

昌黎人洪武中
任太僕寺丞

巨敬

平涼人建文中為監察御史
改戶部主事靖難後不屈死

巨鯨

靈臺人任監察
御史死于靖難

巨泰

藍田人弘治中
任通州判官

巨鰲

懷遠人貢士萬
曆中壽張丞

莒 嬴姓伯益之後封于莒其後以國為氏

周 莒伯

楚大夫

漢 莒誦

緡氏令

圉

周 圉合陽

楚大夫

漢

圉良卿

印數

序

周 序點

侍孔子

漢序淵

緒韻會云緒統系也又姓也

明緒珊

成都人永樂舉人

緒紀

馬平人弘治舉人

緒東山

馬平人舉人嘉靖中任高安知縣

處上聲望出潁川沛國

周處子

辨士也著書九篇

漢處興

北海太守

晉處桂

處就

陳留相
潁川人

南處德義

沛人

女

殷女鳩

女方

賢人見
史記

女叔寬

晉大夫

旅

周大夫子旅之後出南安又云亞旅官名以官為氏

漢
旅卿
功臣封
昌平侯

旅羆
共侯封
四代

捫
見姓苑

漢
捫丹
陳留人

莒

漢
莒光
印
藪

舉
見姓苑

捫
音舉見直音

叙

見姓苑

炭

音魯見直音

與

見姓苑

衙

尤韻牛加切此音語姓苑云縣名在馮翊又姓

匣

音語見直音

萬姓統譜卷七十六

欽定四庫全書

萬姓統譜卷七十七

明 凌迪知 撰

上聲

七麋

杜

京兆商音析姓帝堯劉累之後在周為唐杜氏成王

滅唐遷封杜伯為宣王所滅杜洩奔魯因氏焉又望

出晉昌

周

杜康

善造酒酉日死故造酒忌酉

杜原款

太子申生之傅以驪姬譖被殺

杜伯

宣王時人無罪見殺其友左儒爭之而死

漢杜鄴

字子夏內黃人為涼州刺史蒞政寬厚不尚威嚴元壽初加后父孔鄉侯爵臨封日食鄴正言

極論陽尊陰卑禮明三從之義昔鄭伯隨姜氏之欲終有叔段之禍襄王迫惠后之難而遭居鄭之危不可不戒也時不能用

杜周

武帝時為廷尉二子夾河為郡守家貲累鉅萬

杜林

字伯山扶風茂陵人父鄴林博洽多聞時稱通儒初客河西迫于隗囂而不屈節弟成卒聽持

喪歸遭刺客楊賢遮殺之賢見其身推鹿車自載弟喪嘆曰我雖小人何忍殺義士因亡去光武召為侍御史引見問以經書時議郊祀多以漢當祀堯林曰漢業特起功不緣堯故曰杜林

駁堯累官
至大司空

杜喬

字叔榮林慮人少為諸生舉孝廉辟司徒楊震府遷南郡太守轉東海相入拜侍中時梁冀專

權喬正色不
撓卒為所害

杜密

陽城人為人沈質為司徒胡廣所辟遷北海相宦官子弟為令長姦惡者輒按捕之行春到高密見鄭玄知其異器即召署郡職後拜太僕黨事既起免歸本郡與李膺俱坐而名行相次故

時人稱
李杜焉

杜詩

字公君河內汲人性至孝初為郡功曹以公平稱光武知其才拜成臯令遷南陽太守以誅暴立威省愛民役造作水排鑄為農器百姓便之時人方為召信臣南陽語曰召父杜母及卒貧

因無田宅喪無所歸事聞
詔使治喪郡邸贈絹千足

杜夔

字公良河南人以知音律為雅樂郎中平五年
以疾去官司徒禮辟不就奔荊州劉表令與益
曜為漢主合雅樂樂
備表欲庭觀夔止之

杜延年

字幼公南陽杜衍人父周武帝時御史大夫
延年寬厚明法律昌邑王廢勸霍光立宣帝
以定策功封侯益土出奉車駕入居九卿
延年卒子綏嗣侯綏六弟五人至大官

杜欽

字子夏延年子少好經書目偏盲而知名於時
舉直言歷陳灾異拜議郎徵詣大將軍王鳳幕
府多所匡益兄子業有材能
為太常數言得失不事權貴

杜茂

字緒公冠軍軍人初歸光武于河北為中堅將軍
後拜大將軍擊五校于魏郡清河東郡三郡清

靜後累持節率將攻討鎮
守北邊定封參議鄉侯

杜篤

杜陵人居美陽延年曾孫吳漢卒光武召諸儒
誅之篤時在獄中為誄辭最高帝美之賜帛免

刑仕至郡文學章帝時從馬防擊西羌戰
殒所著賦誄七言女誡之類凡十八篇

杜瓊

成都人少受學于任安精究安術累官左中郎
將大鴻臚太常瓊為人靜默少言闔門自守不

與世事蔣琬費禕皆器重之
所著韓詩章句十餘萬言

杜孝

已郡人善事母以孝聞母喜食膾杜後于成都
買魚盛于竹筒以草塞之投于中流祝曰願母

得此食婦汲于江忽見竹筒橫來觸岸異而取
之見二魚曰吾夫所寄熟以進姑聞者歎其孝
感

杜度

字伯度東漢人與崔寔皆工草書張伯英自云崔杜不足謂度與寔也

杜根

字伯堅潁川人性方好絞直舉孝廉為郎中上書直諫鄧太后歸政太后大怒令撲殺之得蘇

逃為酒保十五年太和後拜侍御史年七十八卒

三國杜襲

定陵人祖根襲始依劉表知其不足托遂還鄉里曹操以為西鄆長魏建國為侍中明帝時封

平陽鄉侯

杜微

涪城人諸葛亮領益州妙簡舊德選為主簿微固辭舉而致之求歸亮曰君但當以德輔時不

責以軍事何為求去乃拜諫議大夫以從其志

杜撫

武陽人受業于薛漢定韓詩章句後歸鄉里教授沈靜樂道舉動必以禮其所作詩題文約義

通學者傳之
曰杜君法云

杜宇

古蜀主也蜀嘗大水宇與居民避水於長平山後鯀靈開峽治水人得陸處宇禪位與之自居

西山道
成昇天

杜畿

字伯侯杜陵人少孤繼母苦之以孝聞年二十為郡功曹決遣繫獄魏武以為河東守治為天

下最後封豐樂侯子恕太
和中為散騎黃門侍郎

晉

杜預

字元愷畿孫博學時號杜武庫武帝時為河南尹荊州都督羊祜舉預自代拜征南將軍以平

吳功封當陽侯嘗
作春秋左傳集解

杜錫

字世嘏預子仕西晉惠帝遷太子舍人太子過遊戲無度屢諫惠之置鍼于錫常坐繩中刺之

流血後廢太子為庶人

杜乂

字弘理預之孫美姿容王逸少目之曰膚如凝脂眼如點漆神仙中人也劉琨曰衛玠神奇杜

乂形清蚤卒

杜夷

字行齊少而恬泊操尚貞素居甚貧窘不營產業博覽經籍百家之書算歷圖緯靡不畢究寓

居汝潁之間十載足不出門年四十餘始還鄉里閉門教授生徒千人元帝時為國子祭酒

杜軫

成都人察孝廉除建寧令尊以德政風化大行夷夏悅服秩滿將歸羣蠻追送賂遺甚多軫無

所受累官遷尚書郎

杜烈

軫之弟歷平康安陽令明于政事所居有異績遷衡陽守聞兄軫亡因自表兄子幼弱求去官

詔轉捷為太
守蜀人榮之

南杜纂

常山人試郡太守以清白名魏明帝初拜清河內史問人疾苦勸督農桑甚有恩紀除東益州

刺史清河人三百頌德政乞重臨郡詔許之纂所歷任輕財潔己為百姓所思號為良守

杜僧明

字洪照廣陵人形貌眇小而有膽氣善騎射陳武帝引為主帥從之征討所向克捷武表

為長史仍隨東討以功除南兗州刺史進爵為侯卒贈散騎常侍諡曰威

杜杲

字子暉杜陵人學涉經史初為修城守屬鳳州人構亂信洽于人部內無降者開皇初進爵為

公

杜之偉

錢塘人少精敏有逸才十五遍觀文史及儀禮故事仕梁為中書侍郎領大著作陳高祖

即位加鴻臚卿遷太中大夫為
文溫雅博瞻有文集十七卷

杜叔毗

字子弼杜陵人兄君錫為曾榮所誣殺叔毗
號泣稱冤白日手刃榮于京城面縛請戮周

文嘉其志特命赦之為樂曹叅
軍後為陳人所擒不屈遇害

杜稜

字雄盛錢塘人少落泊不為時知頗涉書傳仕
陳監義興琅瑯二郡文帝嗣位以預建立功封

永成縣侯仕至侍中護軍
卒諡成配享武帝廟庭

杜銓

字士衡預五世孫有長者風徵為中書博士器
貌魁偉諸杜中稱為長老太武以為宗正送葬

郭南遷中
書侍郎

杜慶

字公良善鍾律絲竹八音靡所不能紹
復先代古樂復為大樂令協律都尉

杜曇永

好仙道玉笥山古名羣玉峰有三十六峰二十四洞洞中有都木坑杏花塢山有赤松峰

飛仙峰養素臺乃漢九真人杜曇永蕭子雲煉丹得道上昇之處

杜慧慶

交趾朱戴人義熙七年除交州刺史詔書未到其年春盧循襲破合浦徑向交州慧慶乃

率文武六千人拒循於石崎破之循晨造南津令三軍入城乃食慧慶悉出宗族私財以充勸

賞自登高艦合戰放火箭燒循船衆艦俱燃一時潰散循中箭赴水死遂斬循及父蝦并循二

子並傳首京師以功封龍編侯慧慶布衣蔬食儉約素質禁斷淫祀崇修學校歲荒民饑則以

私祿賑給為政纖密有如治家由是咸惠沾洽姦盜不起乃至城門不閉道不拾遺

杜崩

其先杜陵人居襄陽父懷瑤少有志節梁天監有戰功為刺史魏軍復圍南鄭卒諡桓侯崩歲之

弟幼以膽勇稱為新興太守元帝以為武州刺史東征侯景至巴陵景遁至石頭景敗崩入據臺城加江州刺史齊將攻秦州崩破之時長史陸納等叛於長沙崩大敗之後討平武陵王於硤石諡武崩兄第九人並知名

杜廣

初為劉景廢卒景問其意廣深叙有條景執其手曰吾久負賢者告其妻曰為女求夫三十年不覺廢中有騏驎於是妻之後廣為商州刺史

杜疑

杜陵人父懷瑤為梁秦二州刺史膂力絕人便馬善射敵人憚之號為杜彪仕梁為荊州刺史

杜驥

字度世兄坦頗涉史傳宋武帝平長安隨從南還元嘉中位青冀二州刺史晚度北入南朝常

以儉荒遇之雖復人才可施每為清途所隔坦恒以慨然

杜恕

字務伯，涿弟。太和中，為散騎侍郎。恕推誠以質，不結交，援專心向公，出為弘農太守。

杜弼

字輔立，幼聰敏。家貧，無書。年十三，寄郡學，受業。同郡甄琛為定州刺史，簡試諸生，見而策問，應

答如響。大歎異之，命其二子楷、寬與交。任城王澄聞而召問，琛深相嗟歎，許以主佐之才。

杜京產

字景齊，錢塘人。少恬靜，絕意榮宦。會稽孔覲清剛有峻節，一見款交。郡召主簿，州辟從事。

稱疾去。除朝請，不就。與同郡顧歡交。東山開舍授學，後以員外散騎侍郎召京產，曰：「莊生持釣，豈為白璧所回？」辭疾不就。

豈為白璧所回辭疾不就

杜栖

字孟山，京產子。張融與京產友，每相造，言論栖常在側。融指栖曰：「昔陳太丘之有元方，方之為

劣，栖出京師，從儒士劉瓛受學，名儒貴遊多敬待之。中書郎周顒與京產書曰：「賢子學業清標。」

後來之秀刺史豫章王疑聞其名辟議曹從事
仍轉西曹佐竟陵王子良數至禮接京產亡水
漿不入口七日晨夕不罷哭不食鹽菜每營買
祭奠身自看視號泣不自持朔望節歲絕而復
續吐血數升時何胤謝朓並隱東山遺書曉譬
誠以毀滅至祥禪暮夢見其父慟哭而絕初何
點見栖歎曰卿風韻如此雖復
嘉譽不永年矣卒年三十六

隋杜臺卿

曲陽人父弼仕魏歷官侍御史臺卿博覽書
記解屬文初仕北齊齊亡教授鄉里隋初徵

拜著作郎嘗采月令推廣之為書十二卷名玉
燭寶典兄挺開州刺史子公瞻好學有父風終

安陽令孫松
終起居舍人

杜彥

雲中人性勇果善騎射初仕周以功拜隴州刺
史隋初封公與韓擒虎平陳進位柱國賜其子

寶安爵昌陽縣公大業中以彥素為突厥所憚拜雲州總管

杜松贊

北海人性剛烈重名義仕為石門隊正見賊被執賊使招降松贊至城下乃大呼曰官軍

大來賊旦暮被剪矣賊以刀築其口松贊大罵而死贈朝請大夫本郡太守

杜正玄

字知禮志經史試策高第時海內唯正玄一人應秀才試上林賦聖主得賢臣頌燕然山

銘鸚鵡賦並立成文不加點帝大奇之拜為豫章王記室

杜正藏

字為善正玄弟亦好學善屬文開皇中舉秀才試過秦論匠人箴連理樹賦應時呈獻又

無點竄授純州行參軍

唐杜建徽

字延光新城人少勇強有大志從錢鏐征伐輒單衣入陣屢立大功歷官自武安都將累

遷昭化軍節度使吳越國丞相封鄖國公卒諡武烈

杜伏威

章丘人隋末據有江淮自稱將軍進用士人繕利兵甲人多賴之後納款于唐拜太子太

保兼行臺尚書令

杜如晦

字克明杜陵人叔淹材辨多聞官至檢校吏部尚書如晦少英邁臨事善斷有王佐才太

宗引為文學館學士進僕射與房玄齡共榮朝政封萊國公弟楚客工部尚書五世孫元穎穆

宗時拜相

杜正倫

涇水人初直秦王府文學館魏徵薦其才擢兵部員外郎累遷中書侍郎從孫咸舉進士

累遷尚書左丞咸子泰之開元時為工部尚書愕之為將作少監封博陵侯

杜淹

字執禮才辨多聞泰王引為文學館學士常侍宴賦詩尤工賜銀鍾

杜求仁

正倫從子有雅才永淳中授監察御史坐事為黜令與徐敬業舉兵為興復府左長史死

難于

杜景佺

武邑人性嚴正舉明經中第武后時自益州錄事參軍入為司刑丞與來俊臣專治詔獄

時稱遇杜者生過來者死延載初同平章事武后稱為真宰相後出為并州長史

杜暹

濮州人五世同居暹事繼母孝擢明經補婺州參軍以清節稱累官至安西副大都護守邊四

年撫戎練士為夷夏所樂進禮部尚書封魏縣侯

杜審言

字必簡襄陽人晉杜預之後舉進士為隰城尉才高傲世與李嶠崔融蘇味道為文章四

友後以事免官還東都武后召見令賦歡喜詩
歎重其文授著作佐郎入為國子監主簿修文

館直
學士

杜咸

正倫從孫擢進士累遷右臺監察御史牂牁反
咸監軍出討賊保壘自固道荒蔓師不能進咸

乃息士示不欲戰陰伺之時早暑風熾咸縱火
譟而前賊眩怖相失自騰踐死擒其酋遂平之

遷侍
御史

杜甫

字子美杜陵人其先自襄陽徙河南父閑為奉
天令遂居杜陵而甫生焉玄宗朝獻賦命待詔

集賢院後轉檢校工部員外郎甫博覽羣書善
為詩歌涵渾汪洋千態萬狀至陳時事律切精

深世號詩史元稹謂詩
人以來未有如子美者

杜勤

甫從姪也下第歸甫作詩別之云只今年才十六七射策君門期第一

杜慆

泗州刺史龐勛反攻城或勸出家屬慆死生與將士共之賊易慆馳勇士欲入封府庫慆陽出

迎勞伏甲士皆殲焉賊圍凡十月拊慆將士皆殊死戰賊累攻不克卒定一州

杜鴻漸

字子巽遐族子舉進士為朔方判官安祿山亂肅宗時為太子按軍平涼未知所適鴻漸

說往靈武遂與李晏等勸進以繫中外望六請見聽肅宗即位授兵部郎中累遷至禮儀使代

宗時拜相

杜亞

字次公京兆人肅宗在靈武上書論當世事擢校書郎再遷諫議大夫元載得志亞與劉晏劾

治載死遷給事中常袞惡之出為江西觀察使德宗立召還亞意必任宰相倍道進與人語皆

天下大政或以事祈謁輒相然可
帝知之不悅罷為陝西觀察使

杜友開

字陽父卜居君山之麓家甚貧授徒以為業
大歷間歲大饑生徒散亡食盡不知所出或

勸以鬻墓木可延須臾君謝不可竟饑死其妻
吳氏悲傷不忍苟活遂相枕藉而卒後十年邑人
王遂過其里獲一古硯乃友開所銘
故物也爰作雙環歌哀其夫婦云

杜臻

大歷間攝新喻令因洪水漂城郡守李嘉祐
奏遷縣俾臻擇形勢地得虎瞰山為縣治

杜令昭

海州刺史值海漲居民漂溺令昭築
永安隄以防之民免其患閭里歌之

杜希望

玄宗時鄆州都督時軍屢興府庫虛寡希望
居數歲芻粟金帛豐餘皆希望之所力幹也

杜泳

貞元中為於潛令嘗開紫溪河溉田
又鑿渠以通舟楫民蒙其利者多矣

杜羔

正倫孫貞元初進士遭兵父死母離不知所之
憂號終日及為澤潞判官鞠獄因得母後至佛

寺得柱間文字乃父所記因識其墓歷振武節
度使以工部尚書致仕卒贈古僕射諡曰敬

杜中立

字無為羔之子以廩為通事舍人尚公主為
駙馬都尉以不任事憤憤不樂上異之因轉

太僕少卿遷司農卿即除吏姦尋為京兆尹宰
相欲歷試其能出為義武節度使卒贈工部尚

書居官精明所
至吏人畏服

杜佑

萬年人父希聖恒州刺史佑以蔭補參軍德憲
兩朝拜司空進司徒封岐國公佑嗜學撰通典

二百篇二子式方桂觀察使從郁秘
書丞孫棕武宗朝拜相後封邠國公

杜誦

其詩見中
興間氣集

杜兼

元初河南尹善政及民甚懷之

杜黃裳

字連素萬年人舉進士憲宗時累官同平章事劉闢叛于蜀黃裳表委高崇文進討蜀平

憲宗曰皆卿之功也後封邠國公

杜牧

字牧之佐孫善屬文能詩有奇節第進士累官史館修撰終中書舍人弟鯤亦舉進士累官秘

書省正字善屬文與牧相上下

杜希全

京兆人積功勞至朔方節度使獻體要八章貶切政病帝嘉賜君臣箴一篇

杜悰

字永裕為鳳翔節度使時有獲白兔為瑞物遂致亂文宗曰瑞物非國之慶悰曰以百姓富安

為慶其餘不足取也上善之

杜荀鶴

字彥之本牧之子牧嘗鎮秋浦妾有孕妻逐之以嫁長林鄉工杜筠而荀鶴生七歲家人

令相東作荀鶴怒曰吾豈耕夫邪比長擇居得香林之勝與顧雲諸賢為友官至翰林學士知

制詰其詩律自成一家世號晚唐格

杜孺休

字休之萬年人佑曾孫累擢給事中昭宗遣孺休為蘇州刺史錢鏐遣人害之

杜審權

如晦之後清重寡言性長厚宣宗時累官學士承旨後在翰林最久終不漏泄禁近語坐必

斂衽常若對大賓懿宗立拜相子讓能累官中書侍郎進太尉

杜光庭

縉雲人咸通中進取不利入天台山學道應制為道門領袖僖宗時後幸興元後隱於青

城山蜀王建封為廣成先生卒年八十五人為尸解云光庭號東瀛子為時鉅儒懿宗時與

鄭雲史賦萬言不中
遂遁去有文集百卷

五代杜審琦

安喜人昆仲五人琦最長其次審玉審瓊審
肇審進世以積善聞審琦仕後唐為軍指

揮使卒年三十五女弟即太祖母昭憲太后太
祖即位贈審琦左神武軍大將軍諸弟子姪顯
于後者甚衆

杜審瓊

性醇質在公畏慎人皆
稱之卒贈太師中書令

杜審肇

授左武衛上將軍卒太祖廢朝二日素
服發喪贈太保昭信軍節度使諡溫肅

杜審進

嘗鎮于陝勸農敦本民庶便之雖居位節
制無驕矜之色人推其醇厚累官至太師

杜彥圭

瓊之子也開寶間為饒
州防禦使卒贈太師

杜彥鈞

進之子也為具冀路副都部署契丹騎兵攻月城彥鈞率兵擊走之勞優封邑召還拜密

州觀察使卒贈
安化軍節度使

杜元守

圭之子也為冀州監軍契丹入邊與州將固守出兵邀擊復功加冀州路叅軍改正使有

疾而
卒

宋杜漢徽

長安人有膂力善騎射年十七仕後唐為護聖指揮使宋初領潮州刺史從平李筠李重

進錄功居多出為雄武軍使知屯田事被病家人勸其求醫藥漢徽笑曰我在戎行四十年大

小百餘戰幸不
死矣安用藥為

杜仁偉

達州人為馬步軍都指揮淳化中李順作亂仁偉罄家資給官軍討賊斬獲甚眾以功授

檢校太子賓客
行達州別駕

杜鎬

字文周無錫人博通經史素有懿行南唐時舉明經為集賢校理宋平江南授國子監丞加秘

閣校理太宗嘗問以西漢賜與志用黃金而近代為難得之貨何也對曰當是時佛事未興故金價

甚賤景德中以為龍圖閣學士後進秩禮部侍郎

杜植

鎬孫以文學知名以祖蔭補官累任監司尚書駕部員外郎終少府監植善吟咏皇祐中嘗有

詩刊石州治紹興中增葺官舍得之地中

杜杞

字昭叔鎬之孫蔭補將作監主簿知建陽縣強敏有才累官環慶路經略安撫使知慶州杞博

覽強記有奏議十二卷

杜樞

渥第三子性強敏以蔭補官為比部員外郎有張彥方者溫成皇后母越國夫人客也坐奸利

論死語連越國夫人開封不敢窮治執政以后故亦不復詰獄上中書遣樞慮問樞揚言將駁

正亟改用諫官陳升之權倖切齒於樞前此御史中丞王舉正留百官班論張堯佐除宣徽使

樞常出班問其故至是蓋累月矣坐是罪樞絀監衡州稅

杜純

字孝錫濮州鄆城人少有成人之操以蔭補官范純仁等薦為河北轉運判官官至鴻臚光祿

卿權兵部侍郎屢有建明司馬光重之

杜紘

字君章純弟起進士為永年令累官刑部郎中為夏國母祭莫使夏人倨傲紘責正之出知鄆

州紘囚三百人旬日處決盡後知應天府

杜衍

字世昌山陰人厲操篤學擢進士甲科歷州縣皆有政績慶歷中為相與富弼韓琦范仲淹同

革弊事以修紀綱而衍尤抑絕僥倖凡內降恩澤者一切不與每積至十數必面納之仁宗嘗謂歐陽修曰朕居禁中有求恩澤者每以衍不可告之而止者多於所封還也由是僥倖寢不悅為相百日而罷後以太子少師致仕

杜醇

慈谿人年七十餘以行義聞仁宗嘗賜以粟帛遣官捧詔具袍笏以起之辭不受號大隱先生

杜誼

字漢臣黃巖人事親至孝敦厚尚信義有大志康定中繼喪二親晝夜號慟負土成墳廬于墓

側時大水夜至民居廬墓田產物多漂壞而獨不及誼事聞詔嘉獎事族父衍甚謹誼嘗知永城縣甚有惠政後通判梓州

杜莘老

青神人甫十三世孫累官殿中侍御史後以直顯謨閣知遂寧府嘗歎曰臺諫當論天下

第一事若有所畏姑言其次是欺其心不敬其君者也及任言責極言無隱取衆所指目者悉擊去聲震一時都人稱骨鯁者必曰杜殿院云

杜默

字師雄豪於歌石曼卿豪於詩歐陽永叔豪於文默上永叔詩云一片靈臺掛月明萬丈辭焰飛長虹乞取一杓鳳池水活取久旱蟠泥龍

杜介之

瓊州人真純野逸有隱士風李光贈詩云白蘋映紅頰疑是羲皇人

杜汝霖

字仁翁邵武人嘗學於安定胡先生甚為李公擇所稱道其孫陵傳其家學生五子旗伯

高旂仲高旂叔高旒李高旒幼高皆博學善古文人稱為金華五高

杜嬰

字大醇性能讀書其言近莊為人曠達而廉清自託於醫無貧富貴賤請之輒往與之財非義輒謝而不受時時窮空幾不能以自存而未嘗有不足之色多為賢士大夫所知王安石所謂予嘗與之語久而不厭者也

杜圮

字受言圮次子以父任官至朝請大夫提舉江南西路茶鹽常平事以治行再任事母以孝聞築室郤武自儀真徙居之圮曾師事時相紹興間以祠官家居者十六年嘗戒子孫曰仕宦當審取舍汝等勉之徜徉小園詩酒自娛所著有破硤集十二卷詩平淡宗少陵子二錫鐸錫迪

功郎

杜炤

字自明杞子以父任累官秘書省校書郎轉朝奉郎賜五品服炤少與王雱友相得驩甚自其

父安石更祖宗法尚新經天下士翕然歸之焘
時調官京師足未嘗跡相府聲聞亦不復與
接好學能文尤長於詩有少陵思致崇寧
四年卒于京師子二長之全業大科次圮

杜常

字正甫衛州人昭憲皇后族孫也折節學問無
戚里氣習嘗跨驢讀書不覺觸桑木而墮額為

之傷登進士第累官工部尚書崇寧中以
龍圖閣學士知河陽會苦旱及境而雨

杜孟

普州人遊太學因童貫蔡京用事愾然而歸嘗
訓子孫曰忠孝吾家之寶經史吾家之田時號

為寶田

杜氏

杜國寶

邛州大邑人在乳時其父遊東吳不歸音問
杳然後四十年國寶南至荆渚以父名出處

手揭以行間開萬里至韶州見父時
父為州都巡因迎還鄉人嘉其孝

杜處逸

號道堅又號南谷子采石人年十四得異詩師葛蒙卷入茅山作道士住邑之計籌山昇

元觀皇慶間授隆道冲真崇正真人創通玄觀作覽古樓聚書萬卷後又住宗陽宮微疾忽爆

然有聲

而逝

杜鐸

字文振圮次子階至右通直郎兩宰劇邑所去人思之贈中大夫所著有文集四六尤工鐸為

人清介自勵為時所敬與韓南潤友善及卒為作墓銘子二

杜杲

字子昕邵武人以父蔭補官江淮帥李珣羅致幕下提偏師援滁州後累有戰功官至吏部尚

書龍圖閣學士卒贈開府杲淹貫經史善草書為文麗密清嚴晚歲專意理學嘗言吾兵間無

恃謀無左畫

得於四書

杜翊世

華陽人紹聖中進士嘗通判懷德軍靖康初金兵奄至城陷翊世先火其家與妻張氏自

縊而死事聞贈朝議大夫官其後十人名其所居曰忠義坊

杜曾

字孝先雷澤人舉進士蘇州司法叅軍明於法律改潁州團練判官慶歷中選吏部郎中

杜昉

通判密州建炎初寓居武陵會賊鍾相亂欲強使從已昉罵不絕口遂遇害

杜俟

字碩甫成都人崇觀間侍義兄宦金陵遂寓蕪湖祖叔元仕仁宗朝為職方郎即蘇軾所謂杜

君懿學李建中字得筆法者也父沂與軾遊最厚軾有菩薩泉詩為沂賦也俟幼嘗從軾遊與陳瓘汪藻為四兄弟彙有典刑家藏法書名畫甚富有田數十畝伏膺外不求贏環所居植竹賦詩自娛不妄與人交動止可規鄉黨尊禮之間遊里中童稚亦知敬愛自號野翁年七十餘

而卒有詩集藏于家
清高蕭散蓋如其人

杜子野

宜黃人荆公幼師之及為相子野來見荆公問所欲時壁間有東方朔畫像贊及顏魯公

筆欲得之荆公曰墨本何足貴石雖在河北德州致之亦易於是輦載至臨川併以金帛遺之子野受石碑他無所取其清介如此

杜穎

字清老以祖澤主龍溪簿民有腰金夜不還者巡尉捕之無迹穎至其所有叟誦經眾中即叱

吏收縛叟具伏實殺此人取金弃尸某所如言而獲或問何自知之曰叟尾吾出郭營營往來吾固已得之扶滿宰歐寧至則曰歐寧命脈在鹽督他賦徒擾耳乃悉力漕鹽民賴以寬改龍泉溪洞參半一撫以恩皆相告曰官常欲稚獮我曹今公教我如子謹勿負相勸奉約束兩邑

最號難治人
咸服其精敏

杜天舉

紹興中知潯州人對言士官教諭未足為之
進模範乞令見任有出身或特奏召兼攝從

之

杜唐卿

字興宗宜章人舉進士調浮梁主簿至官興
學校未幾芝生於學從之遊者三百餘人有

善政百姓思之
後累徙官司農

杜庶

字康侯果子倜儻有大志通典故善為文從父
兵間習邊事立戰功補官籍田令兼制機督幹

後進直秘閣兼廬州按撫副使人歡迎如
見慈父治績甚多後為江西轉運副使

杜伯高

登東萊呂成公之門同時陸務觀陳君舉葉
正則陳同甫咸稱其文淳熙開禧間兩以制

科薦所著有橋齋集陳同甫書云足下與正則書足見所存遠大今之君子不能當也兩賦反覆不能去手意廣而調高節明而語妥鋪叙端雅抑揚頓挫而卒歸於質重齊一變而至於楚人之辭矣又云伯高之賦如奔風逸足而鳴以和鸞俯仰於節奏之間其見稱許如此

杜仲高

嘗占湖漕舉首吳獵揚長獮與之善所著有杜詩發微癖齋集陳同甫書云惠教高文麗

句見所謂半落半開花有恨一晴一雨春無力令人眼動及讀到別纜解時風度緊離觴盡處花飛急然後知晏叔原之落花人獨立微雨燕雙飛不得長擅美矣雲破月來花弄影何足以勞歐公之拳拳乎

杜叔高

嘗問道於朱子與辛幼安諸人游端平初以布衣召入館閣校讎年八十餘矣陳同甫云

叔高之詩如千戈森立有吞虎食牛之氣而左右發春妍以輝映於其間又云仲高之詞叔高之詩皆入能品非獨一門之盛蓋可謂一時之豪矣

杜季高

河北山有法清寺水珠詩呈季高云疊石為山已浪呼小毬戲水更名珠世間何事非虛

假還直先生一笑無

杜幼高

文與季高相上下有碎裘集禁正則序之正則贈幼高詩云杜子五兄弟詞林俱上頭規

模古樂府接續後春秋奇崛令誰賞羈栖浪自愁故園如鏡水日日抱村流

杜範

字成之黃巖人從祖煜受學朱熹至範益著嘉定初進士調金壇尉累遷監察御史知無不言

後拜右丞相連上十二事盡革舊弊以身徇國卒贈少傅諡清獻所著有古律詩歌稞文奏葉

外制經筵講義
共三十餘卷

杜淦

江夏人自稱漢陰老人居泗水上烈日笠首躬督耕墾起家十五年遂致富常謂人曰夫忍恥入仕不因妻子衣食者幾希彼忍恥我勞力皆衣食耳顧我何如

杜煜

字良仲黃巖人嘉定元年進士師事朱熹者十餘年自謂向來彼此相梗今皆融會合一人稱為南湖先生弟知仁亦志于學

杜守一

蕭山令先是縣有虎守一為政二年虎負子渡浙江而去時人方之漢劉琨云

杜貴

輝縣人累官太尉政和三年賊犯縣境貴率二子出禦力戰而死孫大忠以功授侍衛親軍都

虞侯仕至鄜州觀察使

杜應然

武林人隨父宦遊流寓廣西專心慕道寄跡黃冠中遍遊天下名山嘉定間始來融州歷

數十年甚有功於岩觀為羽流中之卓然者年八十餘卒

杜去輕

字端父仲高之子與伯高子去偽叔高子去非幼高子去華皆有文名郡守趙汝騰嘗薦

去偽請官之其子名濬之吳師道嘗跋端父墨跡云自汝霖至濬之六世仕雖不顯而文采聲華聯襲不墜亦吾鄉罕有也當宋季士競舉子習而杜氏一門咸尚古文令里中殘碑斷碣可見者悉有家法字畫亦異此帖尚深得山谷老人筆意要非不習而能也

杜澥

字貴卿範從子德祐初澥宰縣糾民兵勤王從文天祥于平江及天祥北行客無敢從者澥獨

請行至京口以計脫天祥偕走淮甸由海道達永嘉益王立授廣東招討副使迨崖山兵潰被

執以憂
憤卒

杜瑩

字德溫澶州人贈大理丞為人孝友謙恭以清靜為學淡泊自足壽八十墓在濮陽縣桂枝里

之樂村子宗誨為襄陽令書節度判官

杜濬之

字若川伯高之孫明春秋領鄉貢宋易世後感激自悼矯行晦迹寄食西峯僧寺以終述

志詩云寧枉百里步曲木不可息寧忍三日飢邪萬不可食雖云食息頃便分淑與慝志士當暮年聞道轉歷歷要使此一身如琢復如滌整冠與納履微嫌費疏剔未若瓜李地絕不見吾迹又書警云食李弗嫌苦食梅勿嫌酸不為身所累且從心所安吾分固云薄吾志亦非單靜看如山禍差之一念間所得甚眇眇所喪已漫漫百年修不足一朝容易殘雖處四壁立如享

萬鍾寬靜坐明月窟濯足清風灘讀此二章可以知其志節之所存矣

金杜時昇

信安人博學知天文宰相薦其可大用時昇察天文時事有亂亡兆遂隱居嵩洛山中以

伊洛之文教人子子瑛亦隱緱氏山盡讀諸書教授汾晉間元初屢聘不就所著述甚富卒贈

魏郡公諡文獻

元杜佑

邳州人河南行省署為三義水馬站提領父成病於家佑忽心驚舉體沾汗即棄職歸父病始三日遂禱求代且嘗冀以驗疾及父卒廬墓盡哀有馴兔之瑞

杜本

清江人博學善屬文尤工篆隸隱建寧武夷山平居沈靜寡慾無疾言遽色與人交尤篤於義文宗徵之不起至正間復召為翰林待制稱疾固辭學者稱為清碧先生所著有四經表義六

書通編十
原等書

杜溥

嘉興路總管廉正仁厚勸課農桑除民疾苦尤以興學為務教化大行

杜和

字彥謙歷山人至正庚寅知瑞安州事性明敏介潔遇事不苟為政不尚虛名不畏強禦以凡

杜豐

庶事井井有條至正辛卯方國珍入寇和躬率民格戰賊遂退州民德之西河人個儻有大志通兵法仕金為平遙義軍克入元授兵馬都提控累功遷河東兵馬都元

杜敏

帥後為沁州長官有德政沁人立祠祀焉子思明治書侍御史思敬中書左丞卒諡文定漢嘉人其祖因避亂自蜀至公安因家焉兄弟六人好學不倦俱以儒業顯敏任元為著作郎

歐陽玄
贊其像

明
杜貫道

山陰人洪武中知休寧縣政事文章邑人稱頌其後知縣周德成劉紹先繼之皆有善政

杜環

字叔循金陵人國初辟就晉王府錄事

杜博聞

字景預陵川人以明經為令果斷有為嘗以公勤廉儉四字銘座隅以自警

杜智

字仲才蕪湖人儀幹魁梧性敏嗜學洪武間任湖廣隨州知州有治聲以不忍峻征逋稅時例

當謫戍廷臣知其為民誣服乃具明其廉明政績以聞詔乘傳入陞前北平知府永樂初陞陝西左布政使丁內艱服闋改河南左布政使官至右都御史致仕卒賜葬祭

杜瓊

字用嘉吳縣人博綜古今為文和平醇實而必本於理性至孝以父名玉終身諱之嘗剗股已

母疾雖介持有守不為過矯之行門人私謚曰淵孝先生

杜寧

字宗謚天台人宣德丁未進士第二歷禮部侍郎

杜謙

字益之昌黎人早失恃事繼母甚謹不拂父意人以孝狀元稱之比長舉景泰甲戌進士官工

部主事轉儀曹正郎出叅兩浙大政歷方伯入尹京兆亞卿冬官廉能經濟所至有聲

杜榮

字景華蘭州人天順己卯舉人性度坦夷威儀純雅任山西朔州知州值歲荒歉加意賑恤招

集流亡民用稍蘇即崇學校作興人材公廉明恕吏畏民懷致政家居足跡不入公門

杜銘

金堂人字敬修登商輅榜天性孝友雅尚儉朴與人交誠信可仗而才識卓犖賈出流輩又善

斷大事羣疑滿前一言而定敬歷中外所至有聲不二十年位至司冠歷事五朝忠勤如一日位遇榮顯謙恭彌甚退居林下十餘年乃心罔不在王室完名碩德近世不多見云

杜迹

慈利知縣處已廉介賦役均平德化一方嘗入蠻谿採官木夷獠爭來迎勞奉之如已親焉

杜璋

雞澤人弘治十四年舉鄉薦授鄒縣尹時流賊掠山東城邑及圍鄒璋親率士衆拒敵四日兵

力不支城遂陷子崇熙被害璋冠帶危坐辭色慷慨賊逼之碎其襟袖卒不屈欲殺時縣丞某

求以身代死義而釋之以去

杜桺

字子才臨潁人正德辛巳進士歷通政

魯

扶風羽音周封伯禽于魯以國為氏又望出新蔡

周魯仲連

齊人時秦圍趙急魏遣新垣衍說趙請帝秦仲連見衍曰彼即肆然為帝連有蹈東海而

死爾秦軍聞之却五十里衍曰吾乃今知仲連為天下士齊田單問策於仲連下狄又破聊城

歸言於齊王欲爵之仲連逃於海上曰吾以富貴而詘於人寧貧賤而輕世肆志焉

魯陽公

與韓構難戰酣日暮援戈揮之日退三舍

漢魯恭

字仲康平陵人世吏二千石父為武陵太守卒時恭及弟丕尚幼晝夜號踊稍長居太學講誦

章帝時與講白虎觀出宰中年政有三異後為大司徒弟丕通五經舉賢良累官陳留郡守後

中拜侍

魯丕

字叔陵扶風人建初時為新野令視事一年州課第一擢青州刺史

魯奇

偏將軍斬任滿獲程汎封南郡太守

魯峻

字仲嚴山陽昌邑人治魯詩顏氏春秋初舉孝廉除郎中謁者遷東郡頓丘令歷拜屯騎校尉

以病遜位熹

平元年卒

魯伯

瑯琊人與河內張禹俱從沛國施讎學易官至會稽太守

三魯肅

字子敬東城人家富于財周瑜嘗往見之且求資糧肅有米兩囤囤三千斛乃指一囤與之後

事吳累戰功為橫江將軍肅為人方嚴雖在軍陣手不釋卷

魯芝

字世英鄙人魏時舉孝廉除郎累遷龍水太守曹爽輔政芝屢進讜言不聽及爽下獄芝以直

得免後為并州刺史封陰平侯

魯賜

漢人受詩于中公後為東海太守有廉節

晉魯褒

南陽人好學多聞以貧素自立元康之後細紀大壞褒傷時貪鄙著錢神論以刺之

魯勝

代郡人元康初為建康令到官著作天論後稱疾去徵辟皆不就其著述多遺失惟著墨辨上

下經四篇

各有說

南魯爽

鄆人祖彥仁晉南陽太守父軌為後魏荊州刺史爽與弟秀俱仕宋文帝時爽為司州刺史秀

為滎陽太守

魯悉達

字徧覽鄆人幼以孝聞侯景之亂弟廣達聚眾保新蔡梁元帝授江州刺史後改吳州刺

史封彭

澤侯

魯廣達

字志道悉達弟少慷慨立志功名虛心愛士仕陳為將後入隋以保新蔡功授晉州刺史

封中宿

縣侯

隋 魯仲達

餘杭人大業中為國子助教所著有毛詩章句義疏四十二卷

唐 魯炁

至德初山南東道節度使守南陽祿山反攻圍暮年炁晝夜苦戰扼其要衝由是南夏以完

魯景

襄陽節度使

宋 魯宗道

字貫之亳州譙人舉進士為定遠尉真宗時為諭德上嘗遣使召之宗道方與鄉人飲于

酒肆使者曰即上訝來遲何辭以對宗道弟以實告飲酒人之常情欺君臣子之大罪使者如其言上嘉其忠實仁宗時拜叅知政事務抑僥倖時皆憚之目為魚頭叅政卒諡簡肅

魯有開

宗道從子好禮樂通左氏春秋以蔭入官知鞏城縣後歷知衛冀洺滑州所至有循良之

政熙寧行新法王安石問江南如何有開曰新法行未見其患當在異日也

魯澣

字子明清江人力學強舉尤精於易喜吟咏嘗與向子諲為詩社友澣有城園二十畝塢內有

含笑花數十枝

自號笑塢老人

魯嘗

海鹽人兄詹崇寧中進士嘗與弟營紹興初同第進士嘗仕至太府卿自號冷齋有註杜詩十

八卷其後詹子可封嘗子可宗營子可簡可簡子升珏皆以進士世其家可宗又中博學宏詞

科官至太常卿

魯文謚

字子順性閎爽嗜書史司理高郵杭別淹獄攝丞幕府適山陽流民蟻聚撫安得所嘗置

義庄義塾惠其宗人官終司理郎

魯伯能

安吉人博學能記九歲通五經日讀萬言家貧無油夜乘月光誦讀達旦歷官處州太守

生平無所嗜好惟以翰墨自娛有文集三百餘卷

魯仕能

字時舉平江人淳祐甲辰進士從饒雙峰學自號寶潭任監利令應王登辟克沅州錄事

兼餉事後有呂帥政貪酷沅有叔訟姪分金者勘之得誣乃屈姪伸叔失呂帥意大怒遣使覈所掌軍餉羈沅六年呂死李應山代帥始雪之歸與吳鉞集同時齒德會于鳳樓鄉之道巖春秋節傳及策有樞要

元魯淵

字道源淳安人勵志為學舉進士為華亭丞本朝洪武初屢徵弗就學者稱岐山先生所著有

魯真

字起元開化人元統二年舉人隱居不仕邃於理學躬行實踐所著有春秋按斷中庸解易註

余闕薦之不起

明 魯文質

乙未年護蹕渡江以醫道鳴洪武初授太醫院判孫宗泰洪武十九年以人材授昌平知

縣

魯穆

字希文天台人永樂間進士累遷都察院右僉都御史為人剛正清慎內恕外嚴介然有守執法

不回駁歷中外三十餘年被服一如寒士所著有詭經或問禮記日抄藏于家

魯崇志

穆之子景泰五年進士歷應天府尹平生少嗜好于人不苟合安分自守不附勢以干進

以清慎見稱

魯能

字千之新會人景泰甲戌進士歷都御史

魯昂

應天人成化進士

魯誠

字文明山陰人成化乙未進士歷郎中

魯鐸

字振之湖廣景陵人弘治壬戌會試第一二甲進士改庶吉士授編修仕至國子祭酒請告卒

諡文恪鐸端方自礪不肯言人短長及時政得失虛心約己清修不渝憂時濟世之心每惓惓

焉屢告屢起羣情嚮慕

益兢持名節縉紳欽仰

魯邦彥

字朝選睢州人嘉靖庚戌進士任行人即告病歸起原職陞光祿寺丞不出再起吏部驗

封司郎中復辭屢告屢起終於恬退居家孝友恭儉躬耕樂道蕭然寒素化行里邑士林仰之

萬姓統譜卷七十七

欽定四庫全書

萬姓統譜卷七十八

明凌迪知撰

上聲

七虞

伍

安定羽音楚大夫伍參生舉舉生奢奢生尚員又望出武陵

周伍參

伍舉之父也宣公十二年楚子伐鄭晉荀林父帥師救鄭及河聞鄭及楚平林父欲還隨武子

曰善德刑政事典禮不易不可敵也楚皆有之先穀欲戰楚子重將左子上將右將飲馬于河而歸伍參欲戰叔敖弗欲曰昔歲入陳今歲入鄭不無事矣戰而不捷參之肉其足食乎參曰

若事之捷叔教為無謀矣不捷參之肉將在晉軍可得食乎令尹南轅反旆參言于王曰晉之從政者新未能行令其佐先穀剛愎不仁未肯用命其三帥專行不獲聽而無上衆誰適從此行也晉師必敗王告令尹改乘轅而北之果敗晉師于邲

伍舉

奢之父楚大夫邑于椒故曰椒舉襄二十六年奔晉蔡聲子過之鄭郊班荆相與坐而言

伍奢

事楚平王為太子太傅費無忌為少傅王使忌為太子建娶秦女忌報王曰秦女無雙王可自

取忌念太子必害已乃讒太子使守城父備邊又言以秦女故生怨望外結諸侯將為亂王召奢問奢知讒諫勿以讒賊小人而疏骨肉王怒囚奢往殺太子太子奔宋忌復曰奢有二子可致之已而尚至父子俱戮

伍尚

者長子為棠邑大夫時稱棠君平王聽讒遣使封侯印詐召尚員員謂尚曰今往萬死何侯之

有不如奔他國借力以雪父之耻俱滅無為也尚曰汝能報殺父之仇我將歸死遂就執

伍子胥

名員父奢兄尚為楚平王所殺員奔吳導吳伐楚既入郢遂出平王尸鞭之申包胥曰子

之報仇不已甚乎子胥曰吾日暮途遠故倒行而逆施之後因諫吳王夫差不從太宰嚭讒之王乃賜子胥屬鏹之劍盛以鸛夷革浮之江中吳人憐之為立祠於江上曰胥山

漢伍被

楚人以材能稱為淮南中郎淮南王安招致英雋以百數被為冠首久之淮南王陰有邪謀被

數微諫後事發覺復詣吏自告卒被誅

伍孚

字德瑜靈帝時人少有大節何進辟為侍中遷河南尹越騎校尉獻帝時董卓作亂百僚震慄

孚佩刀朝服見卓語闕辭去卓送以手撫其背
孚出刀刺之不中即收孚卓曰卿欲反邪乃大
言曰汝乃亂國篡主何反之有罪盈
惡大故來殺汝以謝天下卓遂殺孚

伍瓊

城門校尉

伍梁

健為人以節操見稱建興間丞相亮領益州牧
其所選皆妙簡舊德梁舉泰必杜微並見徵用
梁為功曹轉從議郎遷
諫議大夫五官中郎將

晉伍朝

字世明漢壽人少好學臨池學書水為之黑
劉弘持節荊州尤深禮異補零陵太守不就

伍緒之

奉朝請

南伍安賓

武陵人博雅嗜學梁累降立縵
之禮皆以疾辭嘗撰武陵圖志

唐伍正己

字公謹寧化人大中間進士累官御史中丞時正人為邪佞所擠者必救之朋黨漸盛禁

錮名流正己遂歸田里年八十一四子泳演濟洪三子以蔭補官洪獨不肯仕隱武陵原自號

抱朴居士

五代伍喬

廬江人性嗜學渡江入廬山講學苦節自勵南唐時舉進士第一命勒喬程文于石以為永式

署宣州幕府考滿遷考功郎中

宋伍誥

字純甫安福人治平進士知縣事才思天成大肆厥辭祖孟軻下及司馬子長文尚雄渾一時

絕倫王安石薦其文行過人起為諸王教授性剛直寡合人多忌之故竟不大顯

伍仕階

德慶州人累官奉議郎知封州秩滿即掛冠東歸悟性空門惟日訓教子孫俱以忠孝顯

伍祐

字祐之寧化人正己曾孫大中祥符進士歷知宜城海昌以廉能稱為文近古尤長於詩終太

常博

士

伍祀

字卿材寧化人紹興進士調南安理椽治獄多所平反終宣教郎

伍擇之

字元賓寧化人祐子博洽有器識恬於進取登皇祐進士出宰長樂時諸司酷暴相矜輒

典大獄乃戚然曰以殘忍耐上官非我志也即日歸故廬觴咏自娛遂不復出

伍文仲

字仲成寧化人正己五世孫七歲能屬文目為神童年十六魁鄉薦累七舉紹興年中進

士應博學

宏詞科

伍仲休

字通遠寧化人正己五世孫博學善屬文擢大觀進士知惠州河源縣丁母憂水漿不入

口毀瘠致疾
終承直郎

伍典章

汴人失其名宋末為翰林典章德祐二年元兵攻臨安庶官奔散端宗帝昺幸廣州典章

者以職守扈從至厓山不去宋亡遂遜居縣之西鄉文章里

伍隆起

新會人三世仕宋宋末隆起率義兵從帝昺于崖山與元將張弘範力戰不屈其麾下謝

文子毅隆起以首降弘範宋相陸秀夫惜之刻木為首以葬又募人執文子毅以祭墓

元伍良臣

字雲從高安人元駙馬都尉興甫之子廔視富貴致力經籍為詩文暢達清潤壯遊京師

道不諧於俗後辟為臨江經歷八十日即棄去時元社將屋識者謂其鳳翔千仞希蹤古之明

哲所著有中流一壺集

欽定四庫全書

廣雅續編
卷七十八

四

伍宗堯

清流人性資剛毅元末盜起邑人推宗堯為長宗堯集士卒設方略以禦之四境獲安至

正庚子江西寇鄧克明來侵宗堯禦之經月弗克寇使說其降宗堯乃諭眾曰吾元人死為元鬼明日遂與其子希稷希明希周希孔率兵決死戰宗堯奮勇突入賊圍敗績父子五人俱死

于難冠
亦退去

明

伍成章

榮縣人自幼刻意誦讀六經子史多所貫穿尤長於詩書洪武甲戌舉明經分教州學士

經指授者多能自達自嘉而歷他庠其於教士終始懇懇無倦永樂丁亥與修大典後致仕歸壽終九十

伍清源

連城人博學善詩文洪武初辟為訓導一時士子爭欲受業於其門嗣應明經舉授工部

主事

伍鈍

字文璉鄞縣人自幼個儻好文史才識出羣富

于詞辨人多勸之仕嘗欣然志于有為因其母陳氏不欲鈍去左右絕口不言仕進者志於奉養為事纖悉盡禮凡百所為皆稟命而行母嘗病危篤夜禱于北辰請減已年增母壽封左右股肉煎湯藥以進病尋愈晚母年八十有八臨終謂諸孫曰吾兒至孝願吾孫事之如吾兒之事吾也文璉居喪水漿不入口者數日廬墓三年茹蔬寢苦哀毀骨立未嘗少懈鄉里無不稱義稱曰伍孝子云

伍禮

字天秩臨川人正統初用薦歷陞知曹州有權幸據田六十餘頃恃強凌礫居民流散禮嘆曰

縮而不究何以為官遂執奏之得復民皆安業

伍福

字天錫禮弟正統舉人授咸寧教諭用薦歷陞陝西按察副使奉勅提學為人風格峻整言動

有法詩文典雅書法流麗俊美人推服之

伍驥

字弘道安福人景泰進士任御史巡按福建初入境聞盜賊充斥單騎冒險親造賊巢諭以禍與都指揮丁泉提兵深入泉力戰而死驥敗賊

擒宗政遂平衝冒瘴癘亦卒勅祠祀之

伍驥

字惟良新會人平生為義不奪於利積書至數千卷一時名士黎員王子倫胡濟皆與之交雖

富甲鄉邑而儉朴如寒畯

伍希淵

字士淵安福人天順進士成化知廣州府為政以通人情為先承上接下動中肯綮興革

利害雖嫌不避士民稱
之終廣西右布政使

伍希閔

字仲孝安福人成化
乙未進士歷僉事

伍符

字朝信安福人成化
丁未進士歷都御史

伍文定

字時泰松滋人弘治己未進士授常州府推
官尋以事免正德初復起補嘉興府同知陞

知河南府轉吉安會逆濠不軌都御史王守仁
與議起兵討賊領後哨逆濠就擒功次守仁歷
陞副都御史提督操江雲南土賊安銓作亂陞
兵部尚書往征之未至而賊平及請進兵芒部
御史戴金論其好大喜功有旨班師罷遂致仕
卒于家文定資兼文武豪宕不羈尚節義喜談
兵法隱然
有儒將風

伍希齊

字仲倫安福人弘治庚戌進士歷刑部主事

伍全

字思謹安福人正德戊辰進士歷官按察使

伍箕

字朝輝安福人正德辛未進士歷官按察使

伍希儒

字汝貞安福人正德辛未進士歷按察司僉事

伍希周

字汝文安福人正德甲戌進士歷按察司僉事

伍餘福

字疇中吳縣人正德丁丑進士歷知府

伍鎧

字文衛晉江人嘉靖丙戌進士歷官少卿

伍令

字思行安福人嘉靖丙辰進士任御史歷按察司僉事

伍典

字克從祁陽人嘉靖丙辰進士歷按察司副使

古

新安羽音周太王古公之後以為氏又望出新平河內

周

古乘

諷簡子不好士

古冶子

食桃

漢古初

臨湘人光武時遭父喪未葬鄰家失火初匍匐

舉首

古牧

蜀郡功曹

古霸

東平王從事

欽定四庫全書

卷七十八

古亶

懷安人

古銑

著長生保
要一卷

北古弼

代人少忠謹善騎射仕魏以功賜爵靈壽侯歷位吏部尚書弼雖事務殷湊而讀書不輟口不

言禁中事太武嘗曰
有臣如此國之寶也

唐古之奇

唐人作縣令箴云政不欲猛刑不欲寬寬則人慢猛則人殘小惡無為涓流成池片言可

用毫末將扶勿輕小道大車可覆不起
而明不如不明不通而清不如不清

宋古成之

字亞爽河源人簡靜力學時嶺嶠文風未振每取士合一路以一人薦雍熙初成之充賦

督府勸駕詩云寰中有道逢千載嶺外觀光只
人後登端拱初進士第為漢州綿竹令而終

古善之

紹定進士

古革

字逢時程鄉人登紹聖丁丑進士調瓊州教授訓迪有方蠻洞亦遣子弟授教會黎人叛郡檄

入洞招諭蠻俗素知敬革遂率服狀聞于朝擢守潮州有惠政民思之

古諲

曲江人母病頤瘡不能言諲夜虔奏告北斗忽聞母大呼曰夢一道士執水盂以柳枝灑明日

頤消疾愈後為本州安撫呼為古神孝

明

古朴

字文質陳州人少聰敏善于會計洪武中釋褐大學以勤勞累官戶部尚書一志於公人無敢

干以私者

古彥輝

惠州人洪武末為德化主簿性敏而果習吏事識大體不為苛察盡心民事尋召為監察

御史

古廩

廣德州人宣德間巡撫四川右僉都御史

古其然

四川人成化進士

古文炳

廣東新會人嘉靖癸丑進士歷任知府

古之賢

四川梁山人嘉靖乙丑進士

武

太原羽音周平王少子生而有文在手曰武因氏又望出沛國

漢

武涉

盱眙人有口辨項羽使往說韓信以三分天下鼎足而立信不從

武彪

以謁者從高帝定諸侯封鄒侯諡曰孝後居沛國

武臣

為趙王

晉武周

沛國竹邑人仕至光祿大夫子陵及二弟韶茂皆總角見稱有器望同郡劉公榮見之曰三子

國士也陵字元夏最優至尚書僕射韶字叔夏至散騎常侍茂字季夏至侍中尚書

武開明

永和二年舉孝廉除郎中謁者歷吳郡府丞

唐武士彠

并州文水人家富於財頗好交結嘗勸高祖舉兵自進兵書及符瑞後以功拜光祿大夫

封太原郡公兄士稜性恭慎勤于稼穡從起義官至司農少卿封安城縣公常居苑中委以農

園之事貞觀中贈潭州都督次兄士逸亦有戰功爵安陸縣公

武平一

名甄太原人通春秋工文詞武后時畏禍隱嵩山屢召不應中宗時拜修文館學士

武攸緒

則天兄惟良子也少有志行恬淡寡慾天授中封安平郡王歷遷殿中監丞為揚州大都

督府長史棄官隱于嵩山以琴書藥餌為務中宗即位以安車備禮徵之應召至都授太子賓客復請歸山從之令京官五品以上餞于定鼎門外及三思構逆諸武多坐誅戮惟攸緒以隱居不預其禍時論美之睿宗即位復徵召之仍請就廬山居止不許仍令州縣數加存問年八十九

武元衡

字伯蒼平一孫事德宗為御史中丞嘗對延英帝目送之曰真宰相器元和中拜相時淮

西用兵悉以機政委之

武儒衡

字廷碩時元稹倚宦官知制誥儒衡鄙之會食瓜蠅集其上儒衡揮以扇曰適從何來遽

集於此一坐皆失色
寶厯初遷中書舍人

武瓘

杜荀鶴同時
人為益陽令

宋武行德

榆次人材貌奇偉仕晉累官指揮使為契丹所獲偽請自效遂走據河陽漢初授河陽三城節度使後從周世宗討淮南以功封宋匡公宋初改封魏國公

武英

太原人父密隨劉繼元歸宋仕至鎮定同巡檢與契丹戰沒錄英為忻代同巡檢累遷涇原行營都監夏人入寇諸將戰小勝敵偽遁英以為前必有伏任福等既敗英猶力戰矢盡遇害

武允成

淳化中為太子中允與至道九老

武敏之

撰三十國春秋三十卷

武允蹈

字德由高安人自號練湖居士兩貢于鄉刻意吟詩每一聯出輒膾炙人口所著有練湖

集

金
武亢

義宗時為司天長天興二年九月蔡州被圍亢奏曰十二月三日必攻城及期果然帝問曰解

圍當在何日對曰明年正月十三日城下無一人一騎矣帝不知其由乃喜圍解有期但密計

糧草使可給至其日不闕者明年甲午正月十日蔡州破十三日大元兵退是日亢赴水死云

武之才

蕭人仕至朝散大夫同知德州防禦使車騎都尉太原縣開國男食邑三百戶賜紫金魚

袋

武禎

宋欽宗靖康時業農後畫界屬金禎深數學宣宗貞祐間行樞密院僕散安貞聞其名召至徐

州以上客禮之每出
師必資焉其占如響

元武恪

宣德府人少游學江南吳澄奇之薦入國學肄業明宗在潛邸選恪說書及從鎮雲南明宗欲起兵陝西恪力諫不合遣還遂隱居教授文宗時屢薦擢皆不就恪好讀周易所著有水雲集

武祺

太谷人以儒進身知桐城縣果斷有善政官至甘肅行省參政

明

武友諒

偃師人少貧有才行敏於問學洪武中以賢士舉授湖廣左參議

武斌

永樂中知鎮平縣勤于撫字洞燭民情興理學政人材彬彬嘗董役臨清賑恤貧病民感恩信

歲終無一人遁者

武周文

慶都人博通五經精明六藝儒名大振永樂初召入文淵閣修書歷官翰林院侍講學士

後引年致仕賞賚甚厚送還鄉里

武達

大同縣人永樂中鄉舉擢禮科給事中以才識老成薦陞浙江布政司參議有惠政及民尋陞

廣西參政致仕卒

武毅

華容人累官都督僉事為參將守廣西智勇過人馭下嚴明多樹戰功為蠻夷所服

武賢

孝義人有孝行生能盡事沒能盡思天順間任元氏縣尹政務簡靖有訟者反復以理譬之不

加刑民競勸以訟為戒園廡之內有宿草焉調興平縣老弱扳轅不忍別其治興平亦如元氏

曰

武成

字尚文應景泰初歲貢任直隸鳳陽府經歷性剛正不為勢利所動郡守以不遂其私教人訟

之終不能加害而守尋失職郡有誣人為盜者
廉得真盜抱獄案辨於巡按侍御之前竟釋誣

者抵真盜法官解中產瑞松郡人
以為善政所致後子鉞中鄉舉

武衛

字廷師沂水人成
化進士侍講學士

武暉

溧水人嘉靖間任台州府知事三十一年倭寇
台御史檄暉禦之突入賊中伏發衆潰暉死之

事聞贈太僕寺丞蔭
子立祠賜額愍忠

武金

字礪甫井陘人嘉靖癸丑進士
歷文選郎中陞右僉都御史

武尚賢

益都人嘉靖乙丑進士歷
真定府知府山西副使

武尚耕

溧水人隆慶
辛未進士

祖 范陽羽音子姓殷祖甲祖乙支庶因氏又望出京兆

商祖 己 高宗祭成湯有飛雉升鼎耳而雉祖己訓諸王

祖 伊 殷時人

周祖 朝 晉獻公之時東郭民有祖朝者上書獻公曰草茅臣東郭民祖朝願請聞國家之計獻公使使

告之曰食肉者已慮之矣藿食者尚何與焉朝對曰食肉者一旦失計于廟堂之上若臣等之

藿食者寧無肝膽塗地于中原之野與其禍亦及臣之身臣與有憂深臣安得無與國家之計

乎獻公乃召見立以為師

漢祖 沂 家涿郡

三祖茂

孫堅為卓所圍乃脫憤與近將祖茂著之遂爭逐茂堅得脫去

晉祖逖

字士雅范陽人博覽書史慷慨有志節元帝時為豫州刺史渡江擊楫誓曰不清中原而復濟

者有如此江遂部兵與石勒相持由是黃河以南盡為晉士卒之日豫州士女如失父母

祖約

字士言有操行時梅陶鍾雅數談論約輒因之曰君汝穎之士利如錐我幽冀之士鈍如鎚取我鈍鎚捶君利錐錐當摧矣陶雅曰神錐不可得鎚約曰我亦有神鎚

祖暄之

字景爍少傳家業究極精微亦有巧思入神之妙

南祖瑩

字元珍道人八歲能誦詩書時喚為聖小兒及長好屬文與陳郡袁翻齊名時人語曰京師瑩

瑩袁與祖洛中翩翩祖與袁仕魏累官祭酒秘書監

祖撫

海鹽令

祖鴻勳

范陽人父慎仕魏歷鴻門咸陽二郡太守有能名鴻勳幼有文思神武初徵作晉祠記累

官至高陽太守在官清素時議高之

祖沖之

字文遠范陽道人祖台之晉侍中沖之博學明曆法造指南車欽器有巧思入神之妙宋

初累官長水校尉所著有老莊論語孝經解數十篇子暉仕梁為列卿孫皓有文武才略累官

廣陵太守

祖珽

字孝徵范陽道人父瑩魏贈尚書左僕射司徒珽神情機警詞藻道逸少馳令譽為當世所推

起家秘書郎對策高第為尚書義曹郎中

祖皓

江都令起兵
誅侯景被害

隋

祖君彥

范陽人父孝徵北齊尚書左僕射君彥有才學大業末為東平郡書佐郡陷于翟讓因為

李密所得密甚禮之署為記
室凡軍書羽檄皆出其手

唐

祖詠

洛陽人開元中舉進士張說引為
駕部員外郎工於詩有集一卷

祖孝孫

唐武德初為太常少卿與張文收定樂
製十二和以法天之數號大唐雅樂

宋祖無擇

字擇之上蔡人進士高第累官直集賢院出
知袁州首建學官置生徒郡國經誦之風始

盛入為龍圖閣學士歷知開封府鄭杭二州治
行著聞無擇為人好義以政事文章為時名卿
與王安石不合放
弃不振士論惜之

祖世英

字穎仲浦城人第進士授衡州教授遵胡瑗教條作成多士改知南昌鋤奸剔蠹令信於

下歷通判融州世英官至二千石宅無一區產無十金為清白吏

祖秀實

字去華浦城人弱冠釋褐第一除國子博士靖康之亂虜酋索米於太學秀實叱之酋以

劍擊之絕而復蘇高宗聞其名首拜禮部郎中

祖逢清

字守中入上庠升內舍紹興初太學與司業高閔以為學錄調邵武縣主簿丞相秦檜以

逢清為舊學又改除靜江府教授有謝啟云固俾阿衡專美何嫌乎哉謂與周公孰賢無間然矣權衡多士輕重無心利刃一揮斷朽株而作器靈丹九轉點頑鐵以成金既而之官知錄磨環仲以詩餞之逢清因繼韻以謝其首云在學得益友結廬得寶鄰自慙蒹葭質長倚玉嶧岫

蒞任二年
以疾卒

祖域

字貞夫建隆中由閩徙奉化任至殿前司統制
平居尚氣節樂施與既沒民懷其惠立廟奉之

本朝封為義
士祖公之神

祖日新

宣和
登科

祖逢周

浦城人紹
興進士

元

祖浩然

字養吾浦城人儒家子至元中黃華盜起掠
其母以去浩然纔六歲聲聞不相聞者二十

又八年至大間福建帥府檄為書院長將之任
忽有告以母在河南而不能名其地遂惻然棄

職辭父往詢之間關數千里
得於唐州之境奉以來歸

明

祖中立

太平人洪武中任開封府通判

祖雋

官當塗人自少有詩名永樂中起修大典例當得官雋辭歸日載酒賦詩知縣張嵩延雋西塾教

其子與之倡和

祖述

字尚賢昌黎人宣德間由參政調嘉定知縣勤恤民隱每朔望進父老子庭詢以利病為之興革時瀕海之田有傾沒者賦無所出述上疏蠲之縣歲造船若干以供漕運又河道日就淤塞民無所濯溉述咸疏以聞自是船得免造而水利亦有賴云

祖天時

泗州人弘治中任山西教諭

祖盛

海鹽人嘉靖中任宿州訓導

庾音與勇主切濟陽羽音堯時掌庾大夫以官為氏

周庾皮

晉大夫子過

庾公之斯

見孟子

漢

庾乘

字世遊鄆陵人少為縣門士郭泰勸遊學宮遂能講論自以卑第每處下坐諸生博士皆就讐

問由是學中以下坐為貴徵之不起號徵君

庾勝

武帝時為楊僕裨將擊南粵築城塞嶺嶺遂名大庾

庾斐

撰南著作十卷

三國庾疑

乘子中正簡素仕魏為太僕

庾道

崑子廉退貞固養志不仕牛馬有踉蹌者恐傷人不貨於市及子峻貴拜中大夫

晉庾峻

字山南鄆陵人道子好學有才思初仕魏為博士長安有大獄拜侍御史往斷之朝野稱允入

晉賜爵關內侯嘗疾世浮華不修名實著論以非之弟純為世儒宗累官中書令純子勇少以

清節仕至

國子祭酒

庾敳

字子嵩峻子見晉室多難終知嬰禍乃著意賦以豁情猶賈誼之鵬鳥也從子亮見賦問曰若

有意也非賦所盡若無意也復何所賦答曰在有無之間耳後石勒之亂與子行俱被害

庾珉

字子琚峻子懷帝沒于劉元海也珉從在平陽元海大會因使帝行酒不勝悲憤再拜上酒因

大號哭賊惡之珉遂遇害初洛陽之未陷也珉為侍中直于省內謂同僚許遐曰世路如此禍

難將及吾當死于
此屋耳及是果然

庾琛

字子美永嘉初為建武將軍過江為會稽太守
徵為丞相諮議祭酒以后父追贈左將軍子亮

晉

庾純

字謀甫岐弟博學有才義為世儒宗累官黃門
侍郎歷中書令河南尹時賈充專政自恣純叱

曰天下兇兇由爾一人充
怒遂求出除魏郡太守

庾勇

字允臧純之子少有清節武帝初仕為博士論
齊王攸不當出外帝怒下廷尉當棄市尋釋復

為散騎
常侍

庾亮

字元規鄱陵人明穆元皇后兄風格峻整動由
禮節時人方之夏侯太初陳長文仕為散騎常

侍以外戚求退復起為中書監加中書令蘇峻
反亮督諸軍平之亮鎮武昌諸佐史殷浩之徒

乘秋夜登南樓亮忽至諸人起避之曰老子於此興復不淺便據胡床與浩等談咏竟夕其坦

率類如此卒贈太尉謚文康子三彬義祿

庾冰

字季堅亮弟清慎儉約以雅素垂風亮嘗稱爲庾氏之寶累官中書監都督揚豫兗三州軍事

當重任經綸時務不捨晝夜賓禮朝賢升推後進由是朝賢注心皆曰賢相出領武昌卒謚曰成

庾翼

字稚恭亮弟少有經綸大略爲都督鎮武昌戎政嚴明經略深遠雅有大志欲以滅胡爲己任

徙鎮襄陽綏來荒遠務盡招納之宜卒謚曰肅子爰之代領荊州刺史有翼風尋爲桓溫所害

庾闡

字道彥鄱陵人九歲能文仕爲零陵太守過江爲文以弔賈誼又作揚都賦贈吳人口子肅之

亦有文藻

庾懌

字叔預亮弟少以通簡為兄亮所稱弱冠西陽王萊辟不就東海王冲為長水校尉清選綱紀

以懌為功曹除暨陽令又為冲中軍司馬轉散騎侍郎遷左衛將軍以討蘇峻功封廣饒男出

補臨川太守歷監梁雍三州軍事諡曰簡

庾彬

亮子年數歲雅量過人溫嶠嘗隱暗怛之彬神色自若乃徐跪謂嶠曰君侯何至於此論者謂

不減於亮蘇峻之亂遇害

庾羲

字羲叔亮之子為吳國內史時穆宗頗愛文義羲至郡獻詩存諷諫因上表曰事役殷曠百姓

凋殘以數州之資贍四海之務其為勞弊豈可盡言臣受恩奕世思盡絲髮受任到東親臨所

見敢獻
丹恩

庾敳

字道季亮之子升平中代孔嚴為丹陽尹除重役六十餘事民賴之遷中領軍

庾修

尚書
令

庾希

字始彥冰子自侍中出為輔國將軍吳國內史弟蘊為廣州刺史友東陽太守倩太原王長史

邈會稽王參軍柔散騎
常侍俱死于桓溫之難

庾袞

字叔褒鄢陵人事親以孝稱察孝廉舉秀才清白異行皆不降志世號之為異行父在常戒袞

以酒後每醉輒自責曰汝廢先人之
戒何以為人乃於墓前自戒二十

庾仲雍

著江紀
五卷

庾歙

中領軍

庾攸之

司馬參軍

庾蔚之

著禮論鈔二十卷

庾條

字幼序冰弟永和二年為豫章太守董鞠自稱孝神皇帝臨川人李高為相聚黨數千人攻郡

縣條討平之

庾楷

亮孫會楷內史善教小子初拜侍中代兄準為西中郎將豫州刺史假節鎮歷陽進號左將軍

後為桓玄所害

庾沙彌

鄢陵人父佩玉早沒沙彌事嫡母劉氏盡孝劉亡水漿不入口終喪不入鹽酢冬日不衣

絮夏日不解衰經晝夜號慟隣人不忍聞事聞因應純孝之舉補缺令復丁生母憂歸遇風幾沒沙彌抱柩大號俄而風靜人咸以為孝感起為長城令卒于官

庾準

義子常州人仕中書舍人再遷尚書右丞建中三年卒贈工部尚書

庾悅

字仲豫準子潁川人亮曾孫仕晉為司徒右長史盧循來逼京師庾悅督江豫司三州軍事敗

循于州

庾道愍

鄢陵人冰之玄孫少孤貧所生母漂流交州道愍尚在襁褓及長知之求為廣州緱寧府

佐至府而去交州尚遠乃自負擔冒險而進僅得自達求其母經年不獲日夜悲泣嘗入村值暴雨寄止一家乃有一姬負薪自外還道愍心動因訪之乃其母也於是俯伏號哭遠近聚觀

莫不
揮淚

庾統

字長仁，惲之子。少有令名，司司空太尉辟，皆不就。調補撫軍會稽王司馬，出為建威將軍，寧夷護

軍，尋陽太守。年二十九卒。時人稱其才器甚惜之。子立之，官至宣城內史。

南
庾華

字休野，新野人。仕南齊，為驍騎將軍功曹史。有口辯，後為荊州別駕，清身率下，妻子不免饑寒。

明帝手勅褒美，累遷會稽郡丞，清節愈厲。

庾登之

字元龍，亮玄孫。少以經濟自任，仕宋累官豫章太守，中護軍。弟仲文為廣平太守時，謝晦

當國，人皆加謹。惟仲文與抗禮。登之子仲遠為太子中庶子，仲文從孫子仲好，危言高論，累官太

子舍
人

庾弘遠

炳之子清實有士譽為陳顯達從史顯達敗弘遠將刑索帽著之曰子路結纓吾不可不

冠而死吾非賊乃是義兵為諸君請命耳

庾夔

喬子少聰慧家富於財好賓客食必列鼎又狀貌豐美頤頰開張人皆謂夔必為方伯及魏劓

江陵卒致死

庾仲容

字子仲潁川人仲容孤為叔父泳所養及長杜絕人事專精篤學晝夜手不輟卷初為安

西法曹行參軍後為尚書左丞

庾深之

字彥靜新野人為義興太守以善政聞司馬見害之贈冠軍將軍

庾持

字元德潁陰人沙彌子少孤性至孝父憂居喪過禮篤志好學仕梁為尚書左丞文帝時為吳

興太守以為郡丞兼掌書翰天嘉初封崇德縣子善書每屬辭好為奇字有集十卷

庾業延

延代人及兄和辰世典畜牧延獨恭慎修謹善處危難之間道武嘉之與王建等俱為外

朝大人參預軍國從平中原拜安遠將軍

庾喬

單子仕為荊州別駕時元帝為荊州刺史而州人范興話以寒賤仕叨九流選為主簿又皇太

子令及之故元帝勒喬聽興話到職及屬元日府州縣朝賀喬不肯就列曰喬忝為端右不能與范興話為鴈行元帝聞進喬而停興話世以喬為不墜家聲

庾杲之

字景行單兄子仕南齊為尚書駕部郎清貧自業累遷尚書左丞王儉領吏部用為衛軍

長史蕭緬與儉書曰庾景行汎綠水依芙蓉何其麗也時人以儉府為蓮花池故緬書美之景

行果之字累遷至

侍中諡曰貞子

庾易

字幼簡新野人性恬靜以文義自娛南齊臨川王表薦之餉麥百斛不受建武中徵為司空主

簿不就子黔

妻於陵肩吾

庾震

字彥文新野人喪父母居貧無以葬賃書以營至于掌穿葬事獲濟南陽劉虬撰孝子傳

庾域

字司大新野人梁文帝為郢州辟為主簿美其才為荆南杞梓後為懷寧太守罷任還家妻子

猶事井臼仕終寧

蜀太守子子興

庾季才

新野人八歲誦尚書十二通易好占立象梁湘東王繹引授外兵參軍累遷中書郎領太

史封宜昌縣伯所撰有

靈臺秘苑垂象志等書

庾子興

字孝卿新野人域之子性至孝仕梁為尚書郎丁母憂哀至輒嘔血父域有功封廣牧伯

乞父從行以奉養及父卒哀慟將絕者再奉喪還已東有灝澗石最險其次則瞿塘時秋水猶壯子興乃撫心號水驟退行安流人為之語曰灝澗如幘本不通瞿塘水退為庾公初發蜀有雙鳩巢舟中及至又棲廬側每聞子興哭泣必翔鳴激切廬墓服闋手足枯皸待人而起叔該論勉之于是始仕雖以嫡長襲爵國秩盡推諸弟

庾仲遠

登之子初為宋明帝府佐廢帝景和中疑防明帝賓客故人無到門者惟仲遠朝謁不替

明帝即位謂曰卿所謂疾風知勁草自冠軍參軍擢拜太子中庶子

庾詵

字彥實新野人幼聰警篤學經史百氏無不該綜而性夷簡愛林泉梁普通中詔為黃門侍郎

不起卒
謚貞節

庾炳之

字仲文登之弟初登之為謝晦長史炳之往省之時晦權重朝士並加敬重炳之獨與晦

抗禮改為尚書度支郎不拜出補錢塘令治有嘉績性好潔士大夫造之者未出戶輒令人拭

席洗牀
歷太尉

庾質

字行修早有志尚八歲誦梁元帝玄覽言志等十賦拜童子郎隋煬帝大業初授太史令立言

忠鯁每有災異
必指事面陳

庾於陵

字子介江陵人易之子能言玄理及長清警博學有才思拜太子洗馬梁武帝曰官以人

清豈限甲族
時論榮之

庾岳

延代人魏相州刺史執法平當百姓稱之鄴舊有園池時果初熟丞史送不受曰未進御吾何

得先食具

謹如此

庾黔婁

字子貞易子少好學性至孝任南齊為虜陵令政有異績父在家遭疾忽心驚流汗即棄

官歸每夕稽顙北辰求以身

代父亡廬墓終散騎侍郎

庾肩吾

字慎之易三子八歲能賦詩與劉孝威徐防王圓等十人在晉安王府抄撰衆籍號高齋

學士累官至太子率更令中庶子終

義陽太守後隱居天台號天台逸民

庾承先

字子通鄱陵人少沈靜有志操是非不涉于言喜愠不形于色人莫能窺嘗辟功曹不就

乃與道士王僧鎮同遊衡嶽又居五臺山梁都陽忠烈王欽其風尚要與游處承先為講老子

深發玄義得所未聞後還山卒

庾信

字子山肩吾子俊邁絕倫博覽羣書尤善左傳仕梁為抄撰學士與徐陵同僚詞並綺艷元帝

時以右衛將軍使西魏被留長安後周時為洛州刺史信雖位望通顯常有鄉關之思乃作哀

江南賦以致意

庾曼倩

南郡人早有令譽仕梁為中錄事元帝謂劉之遴曰荆南信多君子

庾叔奕

恭掌太史撰靈臺秘苑百二十卷

庾承宣

登貞元八年第號龍虎榜

庾自直

持子隋煬帝大業初授著作佐郎自直解屬文于五言詩尤善性恭慎不妄交游特為帝所

愛有篇章必先示自直令其詆訶自直所難帝輒改之或至于再三俟其稱善然後方出其見

親禮如此

唐庾賁

代宗時為寧陽令廉平寬恕事不煩苛歷三載人皆頌之

庾敬休

字順之新野人擢進士第又中宏詞拜起居舍人累遷尚書左丞性夷澹不遜聲色弟簡

休官至工部侍郎

庾子元

少負才名開元中張說徐堅李述趙點賀知章趙冬曦馮德選庾子元侯行果母照張會

真咸與宣學子訓東方顯陸玄泰李良金欽孫呂向為十八學士圖形含象亭御為贊

庾準

荆南節度使

五代 庾襲

明

庾肱

中牟人永樂舉人

庾大有

臨江人景泰間固安知縣

庾賓

歸善人正統舉人

庾信

洛南人正統中兗州府通判

庾爵

靈州人嘉靖中撫州府訓導

庾瑄

蕪湖人嘉靖中任光化縣丞

庾政平

大康人嘉靖中舉人任山西稷山縣知縣

庾翊 承天人萬厯間
四川富順縣丞

堵

河東羽音

周堵叔

鄭大夫

堵汝文

鄭大夫

堵冠

堵俞彌

趙人

漢堵輔

印

元堵簡

金壇人元末為江浙行省檢校官平章慶童領兵復松江簡為參謀兵敗為賊所擒欲留用之

不屈而死

明

堵琇

鳳陽人洪武中任宜都縣知縣

堵昇

字文龍山陰人成化己未進士歷任參政

堵泉

盧龍人弘治中任知縣

直隸常州府宜興縣有堵姓

浦

京兆羽音

周浦

樂晉大夫

浦仁裕

著廣嗣章記十五篇

浦選

尚書丞
起居注

浦延熙

員外
郎

明
浦源

字長源無錫人工詩於國初遊閩中與林鴻輩
號十才子詩有雲邊路繞巴山色樹裏河流灌
羽第一長源第二官晉府引禮舍人

浦清

上海人正
統進士

浦鏞

字廷用直隸上元人由進士授監察御史成化
四年陞建寧府知府以清勤節儉為治民感懷

之卒
于官

浦毓

字用中常熟人弘
治進士刑部主事

浦杲

字東白少孤貧好學長益刻勵每聞未見書必購求手抄以讀故其學多所該識縣大夫有所

諮訪往往就禮于其廬邑令王術方之林和靖預為治壙年九十而終學者稱為東白先生所

著雞窻筆錄練川志及詩文若干卷藏于家

浦鉉

字汝器嘉定人正德進士初任洪洞知縣遷監察御史綽有風裁數進諫言為時所忌母老乞

終養家居者七年以薦起入掌河南道當考察京官不能曲承執政之意遂落職又以薦起復

原職出按陝西前後四十餘疏所言皆軍國重計後論救御史楊爵忤旨逮繫詔獄死於杖下

士類
冤之

浦應麟

字道徵無錫人嘉靖乙未進士歷春坊中允

浦之誥

字子化嘉定人嘉靖辛丑進士歷官副使

輔

宮音扶風晉之公族智氏亡其宗別焉

周輔

大

漢輔

尚書

輔

勲

唐輔

公祐仕唐為錄事李太白贈以詩云鸚鵡洲橫漢陽渡水引寒煙沒江樹漢口雙魚白錦鱗今

傳尺素
報情人

宋輔

超秀容人勇悍有力宋初從平上黨遷內直都知又從征太原攀堞先登身被十三創太宗嘉其

勇賜錦袍銀帶再乘城中流
夫者八累官萊州團練使

輔達

本趙州人寓居崇德宋乾道間為後軍統制孝宗欲處以邊郡問其能勝任否曰當以家法治

之又問何法曰子視兵民愛惜財賦遂除知秦州語寮案曰吾目不識字手不能書但心能燭

理耳能聽訟耳

郡中果稱治

輔廣

字漢卿達子師事呂祖謙朱文公慶元初偽學禁興學者多解散廣獨不為動文公深器重之

嘉定間仕止祠官罷歸隱浯溪以著書為務有五經註釋四書問答詩童子問通鑑集義日新

錄師訓編諸書學者稱為傳貽先生

輔章

無為人登科

輔威吏部郎

明
輔成崇德人天順間
夔州府推官

輔相吳川人成化中
遂平縣訓導

輔德平長清人隆慶間貴
州清平衛指揮

虎姓苑八元伯虎之後

周
虎會諷簡子罷推車因置酒與
羣臣飲以虎會為上客

漢
虎旗合浦太守

元
虎秉河內知縣性剛果有志
節抑強扶弱決事明敏

明
虎子威 丘縣人正統
中南昌訓導

虎繼宗 固原人正
統中舉人

虎臣 陝西麟遊人自幼慷慨直躬凜有氣節成化末
貢入太學適憲宗於萬歲山搭燈棚登眺臣具

疏極諫時祭酒懼禍以鐵鎖維臣鎖堂前樹上
俄官校宣臣至左順門溫旨勞之即拆棚祭酒

大慚自是臣名遂聞天下授雲
南鄂加知縣卒于官人甚惜之

扈 羽音京兆夏有扈之後以國為氏又望出河南

周
扈輒 趙人
將軍

漢
扈育 上郡
太守

庖商

廣漢太守

庖萬

庖偃

俱印

晉庖彥珂

鴈門人初仕晉為河東節度周封杞國公懷讓好蓄馬馳及罷節鎮猶有馬百匹馳三十

頭傾資以給芻粟朝夕閱視為娛

庖寅

仕晉為尚書令史以非罪繫獄廷尉劉頌理出之

庖謙

初廢帝疑桓溫有異志命卜之卦成答曰晉室有磐石之固陛下有出宮之象後溫以枋頭之

敗遂誣帝宮闈重秘廢立果如謙言

南庖累

字伯重京兆人初平中隨青牛先生得其術年九十餘無疾而卒

五代庖蒙

字日用安次人自少以文學名仕周為拾遺直史館知制誥時其從弟戴為翰林學士兄弟並

掌內外制時號二庖宋初蒙為學士承旨卒贈右僕射所著有龍山集

庖載

蒙弟好學善屬文舉進士仕周為校書郎直史館嘗次歷代廢興治亂之迹為運源賦世宗善

之拜為知制誥翰林學士

宋庖再興

淮人有膂力善機變每戰被髮肉袒徒跣揮雙刀奮呼入陣人馬辟易金人犯衆陽設伏

掩擊金人大敗授神勁統軍納塔達以病卒子世達其將從又獲其副統軍納塔達

亦以名將稱官至都統制

扈垣

大名入政和登科

扈震榮

眉州人紹興進士

扈周卿

大名入嘉祐中為襄陵令視事終日無勸色未半歲刑清訟簡政恬俗熙簿書之外每有

所施設後以憂去民追思之

元

扈鐸

蘭陽人蚤孤育於伯父及長事伯父如所生伯父無嗣鐸為買妾及伯父卒遺腹生一男鐸常

抱哺與同起臥十年不少怠弟病鐸夜禱于天曰天不伐余家鐸父子間可去一人勿喪吾弟

使伯父無後也明旦弟愈及母卒鐸廬于墓側值歲飢多盜宗族勸之歸鐸竟弗從

明

扈俊臣

洪武中知歸德州民有賈五之子娶李聚女為妻不順舅姑責之投河而死糾其黨威脅

賈五父子俱縊死事久不白後
臣察得其情置于法鄉人快之

扈還

元氏人由舉人任宛平縣知縣滿九載陞戶部
郎中擢陝西鳳翔府知府政務寬簡識大體作
興學校以內艱去任郡民詣闕保留復任及俸
滿又保留之遂增俸仍府事凡三十餘年致仕

卒于
家

扈子賢

四川梁山人由吏員成化五年任政和縣主
簿律已廉治事勤尤注意學校講堂齋廡葺

理一新建尊經閣三間於堂後建號房
一十七間以處生員貧者時助燈油

扈湘

四川人弘
治進士

扈永通

字一貫曹縣人嘉靖乙
未進士歷戶部侍郎

苦 邵攀號苦成子苦為別封之邑以邑為氏

周 苦成 越大夫

漢 苦灼 會稽太守

五 本伍氏避仇改為五

漢 五京 印藪

三 五梁 蜀人

晉 五裔 樂陵人

五脣 始興太守

五代 **五武** 州長史

明 **五淮** 通海人弘治中
宜城縣知縣

午 見姓苑

漢 **午汝臣** 見容齋
隨筆

宋 **午相** 相州人淳熙進士知銅
山縣兄弟以儒業名家

明 **午明臣** 費縣人宣
德舉人

迂 見姓苑

明 **迂春** 高郵人貢士嘉
靖間文登縣丞

件 出襄陽黃田多此姓

漢件終古 急就章

唐件良翰 大名入登科

宋件正臣 字真卿樂安人擢履端方為軍千戶以孝聞

件公玉 開傳進士

明件鳳 泰和人元進士洪武初為英山令尋轉翰林院學士官至大學士

件欽 河南人永樂進士

件恭 字克敬永樂舉人嘉興府通判

仵倫

六安人宣德六年任盧溪縣教諭

仵紳

湖廣人成化進士

仵瑜

字仲甫蒲圻人紳之子舉正德庚午鄉試第一
丁丑登進士授禮部主事提督四夷館上疏論
勤聖學篤親親開言路敬大臣選諍臣去浮屠
拯困窮重守令修武備儲人才十事嘉靖初以
議大禮忤旨廷杖卒隆慶初改元
詔存恤其家蔭子一為國子生

仵應中

鎮平人萬歷間山西代州同知

土

共工氏子句龍為后土子孫為氏

宋

土臯

屯田郎中

明

土進良

山西人宣德進士

土坦

平原人成化舉人仕至參政

普

後魏十姓獻帝次兄為普氏

宋普貴

土人開寶開納土歸順賜王爵以鎮一方

元普元理

其先高昌人徙公安至正壬辰進士任御史遷江南湖北廉訪司事時所治郡縣已皆入

於寇遂詣相憲假分司印徵兵屬郡未幾授嶺南參知政事兵潰一門死者過半而元理終不

屈

普花

臨安宣慰司同知存心忠厚蒞政嚴明遠近靖安至今慕之

明
普仲賢

涇陽人洪武間湖廣僉事

普有年

垣曲人永樂舉人

普好禮

無為人宣德間柏鄉知縣

普暉

垣曲人正德中舉人任長安教諭德行優長歷西安知府山東副使

普觀光

垣曲人萬歷間山東館陶縣丞

陝西西安府有普氏

莽

本姓馬明德皇后惡見先有反者改為莽氏

漢
莽何羅

重合侯

甫 宋戴公之子曰皇父至秦改為皇甫遂以甫為氏

周甫瑕

厲公在櫟使人劫大夫甫瑕要以求入瑕曰舍我我為殺鄭子而入君

明

甫輕

黑陽人永樂間弋陽縣知縣

甫轍

六合人成化中永豐縣知縣

府

見姓苑

漢府悝

司徒橡

鄔 太原晉大夫鄔藏之後食邑于鄔

周鄔單

孔子弟子

晉 鄔彤

工草書如
寒林棲鶴

宋 鄔大昕

字東啟河源人政和二年進士會判廣州廣
之東道瀾海舟楫往來恒患飄溺大昕因規

度鹿步濬鑿之東起東州西接黃水灣
延袤十餘里人便之迄于今惠大記

鄔執權

撫州人

鄔孝臣

龍川人靖
海軍僉判

鄔鎮

鄔孝友

俱羅源人
淳熙進士

鄔秀寔

嘉熙
進士

鄔樞

海寧人嘉定十年進士

明鄔修

字存誠南昌人洪武進士授行人陞廣東僉事生平操履清勤士論無間然

鄔遜

余干人永樂進士

鄔恭

豐城人永樂進士

鄔璠

字汝璠新豐人宣德中溧陽縣丞在任鋤强扶弱去蠹除弊賦役為之均平隸胥不得勾攝于是良善獲安秩滿數千人詣闕保留特陞知縣

鄔瑄

歸善人正統舉人

鄔必圭

安陸人弘治辛酉舉人

鄔宗原

安慶人弘治中南京太僕寺卿

鄔紳

字佩之丹徒人嘉靖癸未進士歷副使

鄔佑

字天佑濟寧衛指揮嘉靖間陞都指揮僉事掌河南都司事

鄔璉

字宜瑩新昌人歷官都御史

萬

音矩又古今人表音九萬切又作橘

漢萬章

字子夏元成間俠士也在長安城西號西城萬子夏為京兆尹王尊所殺

萬正卿

起居注

羽

氏姬姓鄭子羽之後出河南又官氏志弗羽氏改為羽

周羽頡鄭大夫

漢羽公俠士

羽明之印

宋羽儀嘉祐進士官至朝議郎

明羽關福電白人成化舉人

羽陳留先賢傳有羽氏

漢羽丹董賢傳

禹隴西羽音即夏禹之後後世代罕聞至漢世有從州從禹有萬章與禹姓同又鄰子國在瑯琊其後以國

為氏恐此鄙即禹也

周齊國有禹氏女

南禹萬誠

常州刺史

金

禹顯

代州鴈門人真祐初隸上黨公張開累戰功授義勝軍節度使兼泌州招撫副使正大中軍內

變城破被擒得脫復被執不屈而死

明

禹元廣

廉州人洪武舉人

禹凱

西華人成化舉人長恒教諭

禹祥

臨洮人成化舉人任四川任壽知縣治民事神處已待物惟以不欺居官清約如寒士

禹鐸

禹錫

禹九疇

俱通州人弘治正德間舉人

禹第

三河人萬歷間陝西蘭州判官

宇

見姓苑

明

宇燦

江寧人正統舉人

宇英

汲縣人成化中常熟縣丞

宇賓

萊陽人正德中大名府通判

宇智宏

行唐人正德中
沁陽縣訓導

主

贏姓即主父氏今同州有此姓

隋

主胄

見隋書

五代
主祿

潁州國
練使

明

主問禮

益都人洪武己
卯舉人任主事

主明

安樂人弘治中
崇德縣學訓導

豎

見姓苑風俗通云閭寺之官賤者為之齊有豎刁

周

豎拊

鄭大
夫

補

見姓苑

漢

補郎

印

藪

唐

補珍珠

中常侍

愈

宋

愈植

寶慶間知高安軍事

明

愈德勤

湘江人宣德中任興國縣丞

愈道瀛

岳池人洪熙中江西德化縣主簿

戶

見姓苑

漢 戶尊

楮

明 楮山

睢寧人景泰四年
任石首縣主簿

鹵

漢 鹵公孺

太原人
任俠

取

宋 取應宗

淳熙
進士

取希晦

取希作

淳熙進士
供富順人

柱

柱下史官之後

上古柱厲狝

俎

明俎有用

慶都人宣德中
任五臺知縣

俎琚

字佩章磁州人正
德進士任員外郎

吐

隋吐萬緒

代郡鮮卑人高祖初轉青州總管有能名後
為東平太守帝幸江都路經其境萬緒迎謁

因陳謝往事帝大悅
拜金紫光祿大夫

鼓 春秋鼓子鸛鞮之後子孫為氏

姥 亾古切見姓苑

父 管仲稱仲父其後因氏

即釜字見姓苑出襄陽

舞 見姓苑

邨 子爵禹改為禹望出瑯琊往往去邑作禹

覩 見姓苑

圃

見姓苑

溥

見姓苑

撫

見姓苑

琥

見姓苑

鄠

見姓苑

虜

見姓苑



萬姓統譜卷七十八